


山魏山魏不動太山深根結果經會解

星野文庫
文庫 19
F399
24-1-1
早稲田大学図書印



F399
(24.12.2)

巍巍不動太山深根結果經會解上

明金臺霧靈山 羅大士 著述

金陵華陽居士 王海潮 會解

中嶽少室沙門 海濱 較正

淳溪常住居士 邢振羽

灑上常明居士 章渾 參閱

巍巍不動太山深根結果經

此經一部名曰巍巍不動太山深根結果經以法喻

為題乃是 悟空祖師顯已悟道圓滿之義也蓋巍

巍不動者高大不遷也行人參到實際理地外無隨

德惠上

信士強守札助刊

風陵書屋藏本
澤田瑞穗

諸境萬緣。內不住五蘊十八界。根塵脫落。心境如如。金剛云。不取於相。如如不動。楞嚴云。妙湛總持不動尊。首楞嚴王世希有是也。太山深根者。喻上不動也。前四字爲法。此四字爲喻。行人內心如太嶽。外境若虛空。任他境風浩浩。深根堅固。不動不搖。寶積經云。智者於苦樂。不動如虛空。結果者。功圓行滿。道成德就。收輪罷釣。此卷爲終也。經者。訓法訓常。十界同遵。三世不易。乃萬古常規。上契諸佛之理。下合衆生之機。世尊初成道時。嘆曰。奇哉。如有大經卷。量等三千界。在一微塵中。一切塵亦然。有一聰慧人。淨眼悉能見。破塵出經卷。廣饒益衆生。此經二十四品。品品含藏諸佛妙義。行行獨露最上一乘。故曰。巍巍不動。太山深根。結果經。經題解竟。偈曰。

巍巍實相法中王

不動光中大闡揚

太山八風吹不動

深根千古永馨香

花開結就菩提果

經卷流傳鎮大邦

二十四品微妙法

流通苦海渡人航

總判此經前後兩節。中二十四品。主意三十八科。古教二十五宗。公案二十一則。復有三分之別。謂前一節二科。言其序分。中二十四品。二十四科。言正宗分。後

一節二科。言流通分。計一萬一千八百一十八字。

倚托

皇太國王。都管萬里江山。喫着

皇王水土。五穀稻糧。報答

皇王護法重恩。久後托化淨土西天。

解曰。此經一節。言其序分。內含主意二科。一者君恩

深德。此言先報君恩。倚托仗賴也。

皇太國王。

太祖高皇。以至考王也。萬里江山。點水寸土。莫非王地也。君聖臣賢。國泰民安。我等方得安穩。參道我祖

感念。經前祝讚。先報

皇恩。凡建道場處。秉燭焚香。志心遙禮。惟願

當今聖主。洪福齊天。

過去先王。同登極樂。

二托護國功臣。二托文武大臣。護法護持妙法。行遍天

下。僧俗得道。報答護法。久後托化淨土西天。

此言總報臣德也。護國功臣。開國勳臣也。文武大臣。

左輔右弼也。護持妙法。惟言文扶社稷。武定乾坤。四

夷拱服。萬姓平寧。皇風遐暢。佛法興行。惟願一切功

臣。福祿駢集。爵位高增。佛光注照。無災障。永證金剛

萬曆本大臣作
大將

不壞身。

先有證見聖者。猪八戒。沙和尚。白馬做護法。度脫衆生。護法都成佛去了。

此引古證。上護法得生淨土。昔唐太宗。欽賜玄奘法師。西域取經。只因山水迢遙。妖魔廣衆。仗憑諸佛神力。推出齊天大聖。四大護法。降伏妖魔。平脩道路。取經回國。普度衆生。四聖護法。俱成佛果。嘆世序分。廣明之。

今是古。古是今。不是我能多虧護持。妙法行遍天下。報答護法出苦輪。

此總報庶民護法之功也。今是古今人。若肯護持妙法。就與古人成佛一般。不是我。能者。直言衆擎易舉。獨立難成。後二句。現在護法利生。將來離苦得樂。前文已竟。偈曰。

一報天地蓋載恩

二報日月照臨恩

三報皇王水土恩

四報爺娘養育恩

五報師傅引進恩

六報護法護持恩

遇着妙法都爲尊

一切護法出苦輪

此偈頌上君恩臣德也。蓋謂人生在世。蒙天地蓋載。仗日月照臨。食皇王水土。賴父母生身。得師長提携。

萬曆本四報
六報
代

感善人衛護。幸逢正法。安穩脩行。此之恩德。如何酬報。佛祖妙法。與行經文前後。道場始終。令四衆人。秉燭焚香。同報洪恩。故曰。一切護法。出苦輪。上言君恩。臣德。一科竟。○下言破迷妄談。二科也。

有等迷人。說臨危。有兩句。有四句。但有兩句。四句。便是生死之路。

大道本來無一物。能掃萬法盡皆空。

万本盡
空字下有
一物也無都是
胡說

此破迷人妄談惑衆也。有等愚癡迷種。不信妙法。密地傳邪。假古聖良規。盲後賢正眼。妄說臨危。有兩句。四句。當爲妙法相傳。不知就是生死之路。妙法是大道。大道本來無一物。能掃萬法盡皆空。這纔是妙法。但有兩句。四句。都是迷人胡說。大慧云。有言授受。皆魔範。無法相傳。卽梵規。且道兩句。四句。便是生死之路。何故祖師說。我這五部經中。有萬萬句歸家。還會麼。要知萬句根基。皆從一字流出。識得這一字。萬句自然空。經云。知我說法。如筏喻者。上言序分一節。二科竟。偈曰。

歸空邪妄誑愚癡

運氣施功透頂皮

捏目生花稱佛現

糊牕傳法怕人知

通風定與三千棒

泄漏親遭八百槌

可憐這等愚男女

生遭王法死阿鼻

〔總判〕上言序分經旨。一節二科已竟。○下言巍巍正宗。二十四品。三十四科也。

劫量退道苦不可說。品第一。

此經一品。主意二科。一者。劫量長遠也。世人不知劫量長遠。人身難得易失。故立此品示之。退道苦不可說。見下二科。品者。義趣相從。文成一段。第者。次第有條。不致紊亂。此經二十四品。此爲第一。故曰。劫量退道苦不可說。品第一。品題解竟。偈曰。

一自當初別本家。

隨情流浪遍天涯。

七情擾攘猶爲樂。

八苦交煎更不嗟。

萬劫淚痕如驟雨。

千生身竅似恒沙。

生前不受瞿曇戒。

死後輪迴數似麻。

從離了。無量劫。受苦多。四生六道都轉過。自今番。纔認得些兒箇。

此言劫量長遠。悲欣交集也。從離了。自從離了自性家鄉。無量劫。受苦多。長劫輪迴。受苦無盡。且道在甚麼處。四生六道都轉過。祖喜今生這番。洞明真性。故曰。自今番。纔認得些兒箇。此兒箇者。自性家鄉也。無量劫。解苦功。二叅。

怎麼是無量劫。

我祖自問。勉人諦聽。下文自答。引偈為證。

覽集法數偈云。有苾芻問佛。何為大劫。佛言。若說大劫。草木劫。芥子劫。草木劫。大千世界草木。斬為一寸長。一百年除一寸。除盡了大千草木。是一大劫。芥子劫。是芥菜子。一座城。一面一百里。四面四百里。滿滿的一城芥菜子。一百年除一粒。除盡了一城芥菜子。是一大劫。

此引劫量品。婆沙論云。有一苾芻白佛。劫為何量。佛以二大劫答之。法數偈云。大千草木寸為籌。芥子縱橫堆百里。佛以大喻。言劫長遠。勉人知苦求脫。正信

一品廣明。

人人這箇真性。四生托生受苦。熬這一劫。有太山一堆骨頭。

此言四生受苦。釋上二劫長遠也。一一劫者。草木芥子二劫也。太山。在山東兗州。即東嶽也。五嶽之長。最高而且大。

四生托生受苦。熬這劫數。無量無邊。這便是熬了無量劫。受苦多。四生六道都轉過。脫骨過。如須彌山。苦惱苦惱。

此釋前文。無量劫受苦多。四生六道都轉過。發明品

万本偈作經
五十二指長

科儀卷作證

題劫量二字。上言骨堆泰嶽。此言骨過須彌。罪有大
小之別。骨有多寡之分。須彌者。四洲諸山之王。脫骨
勝此之多。思之最苦。最惱。重云苦惱深嘆之辭。
科儀云。這一遭。不回頭。不得出世之法。一失人身。萬劫
難。又轉四生。不得翻身。可憐愚癡之人。苦哉苦哉。因何
不回頭。

此引科文一句。宗教並談。上言過去之苦。此言未來
亦然。警策諸人。趁此現在時光。尋箇出身之路。且道
如何是出身之路。喫那箇孩兒無父母。誰家竈裏火
無煙。前文已竟。偈曰。

人命無常呼吸間

眼觀紅日落西山

陽間一遭空回首

一失人身萬劫難

此引重頌上文前二句。言人光陰易度。壽不久留。喻
如紅日東昇。不覺又從西墜。後二句。陽世為人一遭。
不得出世之法。可憐回首家親都不見。到頭業報自
家當。故曰。一失人身萬劫難。上言劫量長遠。一科竟。
○下言退道有苦。二科也。

覽集般若經云。若人先聞說般若。捨去退道。造作愚癡。
喫酒喫肉。造惡慧。毀謗正法。業墮在大地獄。
此文宗教雙拈。發明退道有苦。若人先聞說般若者。

設言有人先聞大乘經典皈依三寶受持五戒信心發願滿口承當。後來信力不堅。跟着惡友。退了道心。開了葷酒。返造惡業。毀謗佛法。此等之人。皆因宿業深重。根基不正。種子不真。情愿入地獄。情愿做衆生。正是苦事不從天地有。只因自己念頭差。

地獄裏。經歷百千多年。受諸大苦惱。大三災已了。纔出地獄。

此言退道之人。地獄受苦之數也。大三災者。正信十四廣明。阿含經云。初禪三天壽一劫。以上諸天。身衣隨意。無復男女姪欲。以禪悅法喜為食。光音三天壽

二劫。遍淨三天壽二劫。果實三天壽四劫。無想天壽五百劫。火燒初禪大梵。直至二禪光音為際。水滄二

禪光音。直至三禪遍淨為際。風刮三禪遍淨。直至四禪果實。又名廣果為際。退道之人。造諸惡業。如是大三災

已了。纔出地獄。出地獄。又轉生他方世界。遍歷下賤。

此言退道之人。地獄苦畢。復轉畜生之苦。他方世界者。此界已壞。別處大千世界也。

那是下賤。下賤者。是蚊蠓蛆蟲。魚鼈鰕蟹。飛禽走獸。這便是下賤。

走作鳥 蟹作虫 蟲作虫

萬獸下有「走獸」象馬「走」

前一旬自問。後五旬自答。直言退道之人。轉墮畜生道中。備受四生下賤之苦也。

托生受盡了。下賤。又轉生餓鬼。餓鬼又轉無量劫。

此言畜生苦畢。復轉餓鬼之苦。無量劫者。餓鬼壽數。略說有三毛二障三毛者。一者針毛。渾身毛如鋼針。反刺自身。二者臭毛。反薰自心。三者又臭又針。身心皆不安樂。二障者。咽喉細微。吞食不下。到口化作鎔銅熱汁。饑渴無量。謂之內障。頭似泰山。腹如滄海口。中常吐猛火。舉步破車之聲。蟲聞皆避。謂之外障。華嚴經云。爲人不信三寶。破人齋戒。毀謗正法。死墮地獄。地獄罪畢。轉生餓鬼。智度論云。衆生不善有三品。上品五逆十惡。感地獄報。中品畜生。下品餓鬼。破邪二品廣明。

熬了無量劫苦。纔方生人中。又六根不具。

此言餓鬼苦盡。三惡道完。復生人道之苦也。六根不具。眼耳鼻舌身意。不能具足也。

怎麼是六根不具。托生魚人國。半邊國。單跳國。穿心國。還有無邊小國。不可說。這便是六根不具。這箇遍地下賤。身體不得完全。

我祖自問自答。直言人道下賤。六根不具也。魚人國。

其形人面人手。魚身魚尾。胸以上似人。以下似魚。伏地而行。故也。半邊國。其狀半體。一目一孔。一手一足。如魚鳥相合。男女並肩而行。故也。單跳國。其狀圓身正面。一手一足。那跳而行。故也。穿心國。又名穿胸國。其狀胸竅尊者若行。以棍穿其胸。令卑者擡行。故也。略舉其四。餘可例推。正是六根不具。身體不得完也。這一遭失脚。又不得翻身。可憐可憐。又轉無量劫。苦哉。苦哉。自這退道人。還轉無量劫。苦。不聞道之人。苦不可說。不可說。枉來陽間走一遭。不得翻身。愚癡之人。可憐見。夢一場。這便是般若證見。不是虛言。

般若作覽集

道字不有的

這一遭。就是今生爲人一番。現在不忝大道。將來難免沉淪。可憐可憐。重歎之辭。無量不可說。不可說。華嚴十大數。二與十也。此甚言退道之人。較比不聞道之人。苦報長遠不一也。枉來陽間走一遭。總歎退道不聞道之人。不得出世之法。猶如大夢一場。般若經証。故曰。不是虛言。

就是我當家之人。終日守着我三十年。四十年。五十年。說法不當重意。不着心聽。到外頭逞強胡說。生起疑病。暗暗退了道。

此言退道之人。不但他人有之。就是我家門下。諸

暗暗

方頭領。統衆當家。外有虛名。內無實德。雖在佛祖門下多年。聞師說法。不當重意。離師傳法。逞強胡說。不得。伏祖真傳。自己生疑退道。

十方男女菩薩。若聽胡說。生起疑病。作急聽我五部經卷。救你疑病。〔一物無。我要不是真寶言。語。當時身化做膿血。〕

我祖要人深信此經。莫聽胡說退道。十方男女菩薩。稱讚有信心道心人也。此經有何奇特。古人求法。都得歸家。

釋迦佛求四句歸家去了。轉輪王求兩句歸家去了。多寶王求四句歸家去了。妙善公主一句也無求歸家去了。龐居士四口一句也無求明白了歸家去了。

釋迦四句。破邪十一。廣明。輪王多寶。歎世六品。廣明。妙善公主。出香山卷。普明禪師所集。妙善莊王第二女也。長女妙善。招文爲駙馬。二女妙音。納武順親心。三女動靜。非常不圖華飾。不如葷腥。王謂妙善曰。汝今當招駙馬。妙善曰。愛河浪濶。苦海淵深。豈貪一世之榮。而受多生之苦。志好修行。王以大怒。擯女後花園中。絕其飲食。令母苦勸。妙善曰。虛空有盡。我願無窮。後赴汝州白雀寺。王令尼衆勸之。妙善道心不改。王令燒寺滅僧。公主拜告釋迦。忽然天降大雨。火滅。

烟消寺無傷損。又赴法場。斬之。刀劍不能傷害。王令以白綾絞之。只見白虎一隻。將身拖入尸多林而去。忽然死中得活。如夢有醒。感帝釋天。化作一人。指往惠州香山修道。公主曰。腹中饑餓。如何得行。化人曰。吾有長生不死藥。休糧養氣丹。公主曰。惟求無上菩提。不願長生養氣。化人別去。見一猛虎前來。公主曰。吾是不孝之女。死而復甦。今遇山君。將身供養。虎乃蹲身如猿。便作人言。吾乃香土地。奉上帝勅命。接公主歸山。公主至山。岩中安坐。一塵不染。萬法皆空。外如木石。內似虛空。不求諸聖。不重己靈。不捨妄心。不取真理。通身輕快。任意縱橫。名曰觀自在。始明有相身中無相身。無相光中常自在。故曰妙善公主。一句也無求。歸家去了。○龐居士四口者。龐居士語錄序。居士諱蘊。字道玄。襄陽人。父任衡州府太守。寓居城南。建庵修行於宅西。數年全家得道。唐貞元間。用船載家珍數萬。縻於洞庭湘右。罄溺中流。居士有妻及一男一女。市鬻竹器。以度朝晡。貞元中。禪律大行。居士首叅石頭。頓融前境。後見馬祖。復印本心。舉事通玄。無非合道。有妙德之洪辨。合滿字之真詮。其後徧歷諸方。較量至理。元和初。方寓襄陽。棲止巖竇。今

門南二十里
有居士岩

時有太守于公頤躬就謁之如宿善友

既深契于情分亦無間于往來居士將入滅謂女靈
照曰幻化無實隨汝所緣可出視日早晚及午以報
靈照出戶遽報曰日已中矣而有蝕焉可出暫觀居
士避席臨窓照乃據榻趺坐奄然而逝居士回見笑
曰吾女鋒捷矣乃拾薪營後事經七日于公往問安
居士以手籍公之膝流盼良久曰但願空諸所有慎
勿實諸所無好住世間皆如影嚮言訖異香滿室端
躬若思公亟追呼已長往矣遺命焚棄江湖乃備陳
儀事如法荼毘旋遣使人報諸妻子妻聞之曰這愚
癡女無知老漢不報而去是可忍也龐婆走田中謂
子曰龐公與靈照去也龐大笑曰呀倚鋤亦立去母
曰汝更愚癡既為焚燒畢婆乃遍詣鄉閭告別歸隱
自後莫知所歸者居士尋常有曰有男不婚有女不
嫁大家團圓頭共說無生話世謂居士即毘耶淨名
殆其然乎祖讚曰一句也無求明白了歸家去了古
德頌曰家有全棚樂新翻調不同分明離別恨却是
喜相逢論曰釋迦輪王多寶兩句四句歸家與前序
中兩句四句不同那是胡說之邪句此乃明心之正
句也

我這五部經卷。跟不上兩句。跟不上四句。我這五部經卷。有萬萬句妙法。自兩句四句。歸家去了。我這五部經卷。有萬萬句歸家。不難現成。不費力。不費工夫。

我祖稱讚妙法。勉人深信此經。莫聽胡說退道也。古人兩句四句歸家。我這五部經中。有萬萬句妙法。都不得歸家。豈可不及兩句四句。不費力。不費工夫。直言現成。不似古人之難求難得也。大明一統賦云。釀人誇醲。染人誇色。武人誇勇。賈人誇積。正此謂也。

伶人聽一遍。心徹大悟。永不失脚。愚人聽萬萬遍。也自胡說。

此美智罰愚也。上根上智之人。一聞妙法。心即開悟。一念萬年。永不退轉。下根下愚之人。聞說此經。心即狂亂。多聽多疑。口常胡說。

退道的人和挑盆罐一般。跌了一跤。打了一頭。把那頭也打了。左右成不得。打了罷。退道之人。都有疑病。左右成不得。退了罷。可憐苦無盡。

此言退道之人。皆由胡說疑病也。退道和挑盆罐一般者。我祖一日。忽見酒醉之人。挑着一担瓦盆罐。自不小心。跌了一跤。打碎一頭。扒起來。怒從心發。把那頭也打箇粉碎。口中自說。左右成不得。打了罷。祖觀

得作的
了
退了罷不成

愚作金

現成下更有
現成二字

此人愚之甚也。兩頭打碎。本利俱無。一家大小。衣食何有。此可作一喻法。無智退道之人。和那挑盆罐的一般。只因疑病在心。把酒先開。打了一頭。一日酒醉。連肉也吃。把那頭也打了。口中自說。左右成不得。退了罷。此退道人。自飾之辭。可憐苦無盡。深加嗟嘆也。我要說法。自有進。無有退。都是外頭人。胡說疑病。鬧退了人天。

我祖勉人。深信五部妙法。莫聽胡說妄言。外頭人。原是家裡人。入門謂之家人。出門即外人也。

自為胡說疑病。自家還不知是病。休說別人。不生疑病。此嘆胡說之人。通身是病。只是自家不知是病。諸人聽此胡說生疑。其退道必矣。

退道人。作急聽我五部經卷。教你出苦海。苦無盡。便是苦海。

此勉胡說退道者。速信此經。深加精進。即時頓超苦海。同証菩提。後二句。直釋苦海二字也。

優曇語錄云。吃肉衆生。叫做遞相食噉。永轉輪迴。受苦無盡。不回頭人。業障蓋着。不能打開。顯不出光明來。又罷了。又罷了。

此宗教雙拈。勉人不可退道。茹葷。若不回頭。依舊又

金剛科儀作證
優曇語錄作證

三才アリ

轉無量劫。祖歎曰。又罷了。又罷了。前文已竟。偈曰。
食噉衆生滿口埃。

性天業覆不能開

思量惡道沉淪苦

早向菩提路上來

此偈至下。重頌上文。退道有苦也。此合下二頌。出優曇上卷。前二句。歎人食肉。蓋覆性天。正頌業障蓋着。不能打開也。後二句。警離惡道。早向菩提。梵語菩提。此云覺。諸佛常覺不迷。衆生常迷不覺。寒山云。猪吃死人肉。人吃死猪腸。猪不嫌人臭。人返道猪香。猪死拋水內。人死掘地藏。彼此莫相吃。蓮花生沸湯。故曰。早向菩提路上來。

殺戮供養滿眼埃。

親朋食噉笑顏開

吃時容易還時苦

罪報皆因自造來

前二句。歎人殺生設席。唯取樂於親朋。後二句。吃易還難。自取之也。卽太甲云。天作孽。猶可違。自作孽。不可活。寒山云。寄與食肉漢。食時無逗遛。今生過去種。未來今世修。只管今日美。不畏來生憂。老鼠入飯瓮。雖飽難出頭。故曰。罪報皆因自造來。

快樂天堂不肯走

黑暗受苦好難挨

現成大道不肯信

火熬地獄撞將來

快樂天堂者。天地化生五穀稻糧。四時果品。皆是開

花結果之物。養活大地人民。但肯信心行善。吃之不盡。用之有餘。如此受用。眼前就是天堂。愚癡不信。貪味殺生。互相爲害。無有了期。故曰。火熬地獄。撞將來。正是菩提有種。無人種。心火無烟。日日燒。渾身是苦。是火燒。一包膿血。好難熬。清淨法身。無諸苦。愚痴衆生。錯過了。此歎退道之人。妄認色身之苦。不知法身之樂。六祖云。尿尿渠。膿血聚。笑來有甚風流處。九竅都爲不淨坑。六門盡是狼籍舖。世人不知清淨法身。因貪五欲。蓋覆。故曰。錯過了。

金剛科儀云

遞相食噉。是呆痴

那時追悔。悔後遲

直下承當。休錯過

食噉酒肉。苦沉淪

科儀云。互積冤愆。遞相食噉。那時追悔。學道無因。何如直下承當。莫待今生錯過。我祖按文作偈。勉人不可殺噉。當明心性也。

末法娑婆。入苦哉

互相食噉。惡如豺

刀兵疫病。遭饑饉

厭離閻浮。歸去來

末法者。釋迦出世。轉大法輪。利益有情。其法有三。正法一千年。像法一千年。人多解脫禪定。多聞修福。人

多快樂。末法一萬年。解脫禪定。多聞修福俱無。人多苦惱。惟好鬭爭。自佛說此般若以來。至宋建隆一千九百四十餘年。像法將竟。末法之初。故曰入苦哉。互相食噉。呈上入苦哉之義。一切衆生。造十惡業。於多劫中。互相食噉。如人死爲畜。畜死爲人。是也。惡如豺豺者。狼屬。仲秋之月。以獸祭天而報本。其性最貪。好殺好食也。刀兵者。瑜伽論云。末法將盡。有小三災出現。謂饑饉疫病刀兵也。人壽減至三十二十歲。次第而有。人壽十歲時。復有三種最極衰損。謂壽量依止資具也。壽量衰損。人壽十歲也。依止衰損。身長一尺也。資具衰損。唯以粟稗爲食中第一。髮褐爲衣中第一。以鐵爲莊嚴中第一。五種上味。悉皆隱沒。謂酥蜜甘蔗油鹽。皆變其味。彼諸有情。起上厭離。是時諸趣有情。次第盡沒。由此觀之。速發菩提心。早登極樂國。故末句云。厭離閻浮歸去來。

有智前劫歸家去

無智末法好難熬

前劫家家都好過

末劫家家好難熬

此言智愚進退不一。所得苦樂不同。前劫卽正法像法。不遭三災之苦。故曰好過。末劫卽末法之年。遭前三災之苦。故曰難熬。

有智得了金剛眼

自要離世歸去來

法身常住常不滅

厭離浮世歸去來

智即智慧。金剛即堅固。此言有智之人。得了金剛正眼。洞明清淨法身。常住本無生滅。古德云。色身敗壞。性常存。一點靈明到處。晶澗水如藍花似錦。法身無處不分明。如是會得。處世心無世。居塵不染塵。故曰。厭離浮世歸去來。上言劫量退道。苦不可說。經旨一品二科竟。偈曰。

嶮峻輪迴實可驚

鐵人聞語也傷情

超生脫死須今世

墮獄生天即此生

覺海休容穢水蔽

桂株莫使妄藤縈

丈夫努力勤加勉

決要今生大事明

君子悔前。小人悔後。品第二。

此經一品。王意一科。讚智警愚也。君子有智信心人也。小人無智愚頑人也。有智之人。觀世無常。猶如閃電。受持三皈五戒。親近善友明師。求見性之法。尋出世之因。先積粟以防飢。不臨渴而掘井。故曰。君子悔前。無智之人。認身為常。猶如萬載不修戒定慧。慣起貪嗔痴。見人修行。如碍已事。忽然無常到來。再想修行晚矣。故曰。小人悔後。君子小人優劣不同。一念回

君子人

光本無差別。聖賢都是凡夫做。何不依他樣子修。品題解竟。偈曰。

禍福因人自己招

並無人與一絲毫

修功決定頭烏帽

作福終須身紫袍

種德參禪成佛道

竊財殺畜作鱗毛

愚頑造業思潛竄

天網恢恢不可逃

君子人悔前。小兒人悔後。

此二句。一品之題。拈來作為總標。下文乃別釋也。

君子人想無量曠大劫來。轉四生六道。受苦無盡。早早回頭參道。出離生死苦海。為君子人。

此釋君子人悔前也。孔子曰。聖人吾不得而見之矣。得見君子者。斯可矣。我祖論此君子。前想無量劫來。後想無量劫去。所以葷酒齊斷。財色兩忘。保道德如性命。棄名利若秋毫。早早回頭參道。不待老至休心。是名為君子人也。

小人不肯回頭。一失人身萬劫難。永轉四生不得翻身。叫做小人悔後遲。

此釋小兒人悔後也。小人不肯回頭。終朝貪快樂。不想有無常。一日氣斷身亡。好似油乾燈滅。頓失舊時人身。披毛戴角。啣鐵負鞍。以肉供人。用命還債。故曰。

身字下有
下等小人

永轉四生。不得翻身。生被刀砧之苦。活遭湯火之災。互積冤愆。遞相食噉。那時追悔。學道無因。此是下等小人。故曰。小人悔後遲。

陽間爲人夢一場。早早尋箇長生道。

此二句。破妄明真。陽間爲人。總指在世一切之人。每日塵勞汨汨。終朝業識茫茫。不知一性之圓明。徒逞六根之貪欲。一朝命盡無常。功名無我分。富貴總成空。豈不是大夢一場。宗鏡云。功名蓋世。無非大夢一場。富貴驚人。難免無常二字。早早尋箇長生道。有智之人。觀三界如火宅。覩四大若浮漚。明自本心。永劫不壞。故曰。長生道也。前文已竟。偈曰。

着你吃齋不肯依

吃了齋來開又吃

有朝一日生死到

臨危疑病悔後遲

此偈至下。重頌上文。讚智警愚也。前二句。正頌小人不肯回頭。雖然皈依又犯。後二句。正頌小人悔後遲也。

叅了大道葷酒吃

殺生害命不便宜

有朝一日生死到

臨危疑病悔後遲

此頌退道殺生。臨危悔後遲也。如前品。先聞般若捨去退道。造作愚痴。喫酒喫肉。臨危墮地獄。故曰不便宜。

萬本
宣作
益

哄師欺祖是愚痴
無常黑暗蓋了你

聖人惱怒緊皺眉
臨危疑病悔後遲

有等愚人。陽受佛戒。陰爲不善。口說無爲。心行有爲。師友究竟。強辨飾非。故曰。哄師欺祖。聖人者。十地闍君。三界神祇也。見人爲不善。皺眉心也。嗔。有朝拿住了。決不順人情。忠孝略云。湛湛青天不可欺。未曾舉意我先知。勸君莫作虧心事。古往今來放過誰。

勸你回頭不肯依

殺生害命罪相隨

造下罪業過山嶽

地獄刀山悔後遲

迷人業障蓋着。故此不肯回頭。水懺云。殺生之罪。當墮三惡。若生人中。得二種報。一者短命。二者多病。經云。一刀還一刀。一命還一命。萬劫與千生。惡報無窮盡。故曰。地獄刀山悔後遲。

不肯回頭好呆痴

貪圖名利悞了你

有朝一日無常到

四生托生悔後遲

頌曰。終日貪圖利與名。不知罪福不修心。蝸名鋸倒菩提樹。蠅利鋏摧淨土城。

毀謗佛法是愚痴

閻王惱怒緊皺眉

無間地獄從頭受

三塗受苦悔後遲

毀謗者不信也。宗鏡云。欲得不招無間業。莫謗如來。

正法輪三途者。破邪四品廣明衆生不信佛法。三途受苦方知。無間者。八大地獄。恒苦無有樂間也。

笑人修行是呆癡

永失人身再不得

無頭地獄身受苦

噬牙鬼屍悔後遲

呆痴者。無有智慧。自不修善。反笑他人。無頭地獄。這獄出。那獄入。無有頭底也。寒山云。有等聰明漢。不知罪福因。反笑修行者。雪上又加水。死後爲餓鬼。何日得超昇。

君子早把前後悔

小人地獄悔後遲

君子信心超昇去

小人受苦悔後遲

此頌智愚感報不同。結前品題。君子悔前。小人悔後也。舉僧問雪峯。從上修善者。向甚麼處去。師曰。善有善處。僧曰。從上作惡者。向甚麼處去。師曰。惡有惡處。僧曰。不善不惡者。又向甚麼處去。師下禪床。叉手而立。此僧忽然有惺。更不復迷。故曰超昇去。頌曰。善惡輪迴古到今。不知來處訪知音。輕輕跳下禪床立。獨露堂堂淨法身。

十地闍君深惱怒

惱你衆生不歸依

陽間造下恒沙罪

業鏡照着悔後遲

不歸依者。不信受也。生前不歸三寶。死後難逃三惡。

閻君判斷罪有恒沙。衆生不服。復以業鏡照之。纖毫不昧。故曰悔後遲。

梳頭畫影爭名利

笑話修行是呆癡

千佛心燈不肯信

罪業無邊悔後遲

梳頭畫影者。乃是巧言令色之人。致飾於外。務以悅人。每日爭名競利。反笑修行是痴。千佛心燈者。千佛傳心印。名日照世燈。愚痴不肯信。死後墮沉淪。

十地閻君操心肺

單管善惡兩分離

善者即便超昇去

惡者三塗悔後遲

十地閻君。單管人間善惡。善者昇而惡者沉。豈得不操心力也。徐神翁曰。善有善報。惡有惡報。若還不報。時辰未到。

自爲不明重重說

重辨重徵得縱橫

此品單言君子小人。賞善而罰惡也。重重說者。說之又說。迷時千卷少。得縱橫者。明之又明。悟後一言多。重辨重徵者。明辨考証。非無稽夢話。我祖無問自說。普度一切羣生。正見婆心太切也。上言君子悔前。小人悔後。經旨一品已竟。偈曰。

佛法因疎邪見深

人多懈怠喪光陰

五刑堦下偏能受

八福田中誰肯親

辨作遍

地獄天堂全在爾

愚痴智慧總由心

四生同稟陰陽體

寄語明賢仔細尋

這妙法不是無量大福遇不着。品第三。

此經一品主意一科妙法難逢也。這箇無上微妙之法。千生罕遇。萬劫難逢。四十二章經。佛言。夫人離三惡道。得人為難。既得為人。去女即男難。既得為男。六根完具難。六根已具。生中國難。既生中國。值奉佛道難。既奉佛道。值有道之君難。生菩薩家難。既生菩薩家。深信三寶。值佛世難。金剛經云。頗有衆生。於此章句。能生信心。以此為實。當知是人。不於一佛二佛。三

四五佛。而種善根。已於無量千萬佛所。種諸善根。過去善根深厚。今日一出頭來。得遇妙法。不以為難。故曰。這妙法不是無量大福。遇不着。品題解竟。偈曰。

甚深妙法絕商量

萬境先中不覆藏

運水搬柴休錯過

拈香撥火要承當

鈍根福薄難遭遇

利智心靈易解詳

直下相逢休外覓

塵塵刹刹放毫光

這箇妙法不是無量大福。不得遇着。

此言妙法難逢。復明前品。君子小人。悔有前後也。這箇者。指法之辭。隱顯不測。曰妙。為物軌範。曰法。若論

是作着

万本
是作着

這箇妙法。卽是人人本有。諸佛出世。爲此一事。千經所演。無有餘乘。法華云。唯此一事實。餘二則非真。亦不可以少善根而得遇也。故曰。不是無量大福。不得遇着。

有緣千里來相會。無緣對面不相逢。

有緣者。無量劫中。深種善根。與大乘妙法有緣。千里萬里。不遠而來。是名千里來相會也。無緣者。往昔因中。少種善根。與這箇妙法無緣。雖然對面。如隔千里。是名對面不相逢也。四十二章經云。弟子離吾數千里。意念吾戒。必得道。若在吾側。意有邪思。不得道。

薄福小人。遇着也不參道。地獄三塗。悔後遲。叫做小人。悔後遲。

此言在會學人。雖遇妙法。不加精進。名爲薄福。終日循行數墨。蓋覆自己靈光。福盡業來。性被塵埋。故曰悔後遲。前文解竟。偈曰。

千佛會遇不着。卽是無福。這一遭不遇會。永墮沉淪。此偈至下。重頌妙法難逢也。千佛會者。卽是這箇妙法。三世三千諸佛。三十三代祖師。異口同心。共談不二。猶如千燈共室。觀來總是一光。永嘉云。諸佛法身入我性。我性同共如來合。如是會得。卽是有福。傳大

士云。夜夜抱佛眠。朝朝還共起。起坐正相隨。語默同居止。纖毫不曾離。如身影相似。欲識佛去處。祇這語聲是。如或未然。遇而不遇。名曰無福。這一遭不遇會者。生前不與妙法相會。死後難免沉淪。此頌薄福小人。遇着也不叅道。地獄三途悔後遲。

往昔時福祿大。今日相會。這一遭躲沉淪。永無三災。此頌有緣千里來相會。往昔善根深厚。今朝妙法相逢。躲離輪迴。永無苦趣。相會者。心領神會。非口耳授受也。

天下人無邊際。能度幾箇。天下人無邊岸。幾箇相逢。此頌無緣對面不相逢。天下之人太多。得遇妙法者甚少。昔日唐堯至仁。不能化丹朱之不肖。虞舜至孝。不能化商均之不賢。仲尼至聖。不能化盜跖之不盜。釋迦至神。不能度調達之不謗。三教聖賢。度不能盡。今人能度幾箇也。幾箇相逢者。信邪者多。信正者少。學道者多。精進者少。可憐對面不相逢。諸人若要相逢。不離行住坐臥。一切處。要相逢。自己檢點始得。祖云。饑吃飯。寒向火。處處相逢。

有福人來相會。同出苦海。度得人。可是少。好像森辰像者。相似之義。森乃衆星張布。辰卽北辰獨立。此喻

道中人吃齋的多。持戒的少。說道的多。行道的少。修行的多。明道的少。正頌這箇妙法。不是無量大福。不得遇着。故曰。度得人可是少。好像森辰。

這一箇無邊好事。誰人知道。薄福小人。知道也退了。

此明君子悔前。先指無智小人。於此無上妙法。終不得知。假使得知。亦不深信。故曰也退了。

好了上等聰明智慧男女。永不退還。無量好事。不肯撒手。永超出苦海。再不來。這叫做君子人悔前。

好了上等聰明智慧男女者。昔有龐居士。一家四口。洞明無上菩提。更不撒手。將家財悉沉滄海。棄富學

上等聰明智慧男女叫做

貧。單求出世之因。不戀浮生之樂。故曰永超苦海。再不來。如維摩云。雖為白衣。奉持沙門。清淨律行。雖處居家。不着三界。示有妻子。常修梵行。現有眷屬。常樂遠離。這等行持。纔是君子人。毀前也。前文已竟。偈曰。

無上甚深微妙法

百千萬劫難遭遇

有福千里入妙法

無福地獄悔後遲

前二句。阿難結集經時。經前讚法之偈。此引頌上妙法難逢也。無上者。出世獨尊。更無過於上也。甚深者。不同世間之法。平常浮淺。易遇易知也。微妙者。幽微玄妙。難測難量也。法華云。盡思共度量。不能測佛智。

法者。佛祖相傳妙法。此法難逢。如龜值木。阿含云。妙高山下。海中有一眼之龜。一孔之木。龜得木孔。可濟沉溺。其水流遶須彌。三千年一遇。此喻佛法難逢。故曰。百千萬劫難遭遇。後二句。頌明君子小人。福緣有別。苦樂不同也。

無上甚深微妙法

不是大福遇不着

無上甚深微妙法

薄福遇着也退了

這箇妙法。夙有善根者。方可得遇。不是大福遇不着。薄福遇着也退了。此言薄福小人。不能得遇大法。縱然得遇。多退少進。永加云。嗟末法。惡時世。衆生薄福

難調治。去聖遠兮。邪見深。魔強法弱。多怨害。聞說如來頓教門。恨不滅除令瓦碎。此等之人。不信自心原是佛。驢年跳出死生關。

無上甚深微妙法

薄福遇着也迷了

無上甚深微妙法

薄福遇着不承當

無上妙法。最上一乘。教外別傳者是也。薄福遇着也迷了。只此一迷。便不能承當無上妙法也。○舉無着文喜禪師。遊五臺。至中路荒僻處。殊化一寺。作老翁牽牛而行。邀文人入寺。翁喚均提童子出迎。翁引文陞堂。堂宇皆金色。翁踞床。指綉墩命坐。殊問。近離甚處。

薄福遇着也迷慢
愚痴人不承當

是作着

着曰。南方。殊曰。南方佛法如何住持。着曰。未法比丘。少奉戒律。殊曰。多少衆。着曰。或三百。或五百。着問。此間佛法如何住持。殊曰。凡聖同居。龍蛇混雜。着曰。多少衆。殊曰。前三三。後三三。又喚童子致茶。殊舉起玻璃盞子云。南方還有這箇麼。着云。無。殊云。尋常將甚麼吃茶。着無語。見日將晚。遂問翁言。投一宿得否。翁曰。汝有執着心在。不得宿。着云。某甲無執着心。翁曰。汝曾受戒否。着曰。受戒久矣。翁曰。汝無執心。何用受戒。着辭退。翁令童子相送。着問童子。適來道前三三。後三三。是多少。童子云。大德。着應諾。童曰。是多少。着無對。願乞一言爲別。童曰。面上無嗔。是供養。口裡無嗔。吐妙香。心裡無嗔。是真實。無垢無染。是真常。又問。此是何寺。童子指金剛後面。着回首。化寺童子。悉隱不見。但見五色雲中。文殊騎金毛獅子。往來雲中。忽然白雲從東來。覆之不見。着悟。彼翁卽文殊也。不可再見。彼處後來謂之金剛窟。雪竇頌曰。千峰盤曲色如藍。誰謂文殊是對談。堪笑清涼多少衆。前三三與後三三。這箇妙法。覩面相逢。可惜無人識得。上等承當歸家去。小人地獄受恓惶。未後二句。總結一品大意。君子進信得樂。小人退毀。

有苦。上等者。如傅相梁王。小人者。似青提。郗氏。上言
這妙法。不是無量大福。遇不着。經旨一品已竟。偈曰。

西典東傳至洛陽

教興始自漢明王

龍遊嶽頂千峰潤

獅吼林間百獸藏

玉偈不灰彰聖德

金蓮生火噴天香

自從白馬焚經後

萬古靈文助佛光

一字流出萬物的母。品第四。

此經一品。主意一科。一字爲母也。行人認妄迷真。棄
本逐末。故立此品示之。令人知根達本。破相明宗。一
字者。前品之妙法也。這箇妙法。無名可稱。權名一字。

一字乃心之異名。大顛云。心者衆生之本原。諸佛之
覺性。一切萬法。同歸一心。心生種種法生。心滅種種
法滅。從上佛祖。以心傳心。五千四十八卷。八萬四千
法門。一千七百公案。三世諸佛經書。皆從此一箇心
字流出。故稱爲萬物母也。金剛云。一切諸佛。及諸佛
阿耨多羅三藐三菩提法。皆從此經出。人人都有這
一字。只是不能自見。說亦不能自行。佛祖有種種方
便。直指衆生。明自本心。見自本性。有未能者。經中一
一開示。肇法師云。至人空洞無像。萬物無非我造。觀
此。則知我祖。迺再來之大聖也。故曰。一字流出萬物

的母。品題解竟偈曰。

佛為衆生說典章

阿難結集繼綱常

輕挑貝葉心花現

披閱靈文般若香

大闡宗風弘此土

光揚祖道利他方

人天路上經為本

一字流來一字藏

那箇是諸佛母藏經母。三教母無當母怎麼為母。

解曰。此下皆明一字為母。我祖先舉三事。令人洞明
一心。前三句。自設問端。後一句。重審之辭。下文乃自

答云。

諸佛名號。藏經名號。人人名號。萬物名號。這些名號。從

一字流出。認的這一字。為做母。母即是祖。祖即是母。

此明母字之義。諸佛四句。佛法人物俱全。總攝有情

無情。世出世法。都是一心變化。一心就是一字。故曰。

從一字流出。若人識此一字。就為做母。恐人疑母必

有祖。故曰母即是祖。又恐認作兩般。故曰祖即是母。

母有能生能養之義。一字為萬物之母。萬物從一字

而生。

也是本來變化名。

說箇小譬法。孩兒名大地人名號。也是本來面目。變起
的名號。

前說法竟。此舉喻明。小兒在母腹中。隨母呼吸。不知

男女一出母胎。因的一聲。露出本來面目。男女分明。本無名字。父母取箇乳名。各認虛名。迷真逐妄。認苦爲樂。若是真實道人。參究父母未生已前。本無名號。相貌亦無年月日時。古德云。未定五行及八卦。無秋無夏亦無春。先說一人。次舉大地。本來面目變起。正是一字流出。且道如何。是本來面目。舉石霜在牆內。侍者在牆外。侍者問曰。吾與師咫尺之間。云何不見師面。師曰。遍界不曾藏。頌曰。咫尺之間問石霜。師云。遍界不曾藏。開市交關。急着眼。本來面目露堂堂。諸佛名號。菩薩名號。三教名號。一切字名號。一切萬物

無當之語

名號。都是本來面目變化名字。都是一字流出。

諸佛菩薩。三教萬物。其名都是本來面目變化。一切字。有何名號。既有一切文字。就有前後名號。始終章句。更不顛倒。此五事。都是一字流出。本來面目。本有真實之相。卽是一字與名。不可認爲二也。

本來面目爲做母。爲做祖。你可怕誰不承當。那箇實怕虛。那箇大怕小。要不承當。卽是呆痴。

我祖深入佛智。具大辯才。究竟根源。自問自答。怎麼爲母。是自問。本來面目爲母。是自答。母卽大而非小。祖乃實而不虛。未見老大母祖。反怕卑小兒孫。母祖

大小亦是譬喻之辭。此言學人明得本來面目。就是母祖一般。一切萬法。皆從我生。放去收來。自由自在。豈肯大怕小。實怕虛。行人不明本來面目。都在萬法追尋。騎虎怕駢。非痴而何。前文已竟。偈曰。

有一箇安養國。誰人知道。有一箇佛國土。那箇知聞。此偈至下。重頌上文。自安養以至安身。共有四十二名。總是一字流出。學人明此一字。就是清淨法身。龐居士云。名相有差別。法身同一形。上根一覽知妙。中機未免傍通。安養國者。極樂異名。無有衆苦。安然得養。任性逍遙。隨緣放曠耳。佛國土者。三皈潔白。五戒

精研。二惡道空。名曰佛國。逍遙翁云。若人心境清淨。是佛國淨土。心境濁亂。是魔國穢土。彌陀經云。彼佛國土。無三惡道。水鳥樹林。皆悉念佛念法念僧也。誰人知道。那箇知聞。二句義同。反復以深警之。

有一箇西方境。誰人知道。有一箇淨土天。那箇知聞。有一箇天堂路。誰人知道。有一箇舊家鄉。那箇知聞。有一箇長安國。誰人知道。有一箇龍華會。那箇知聞。西方淨土者。自性西方。不從外得。唯心淨土。豈向他求。維摩云。若菩薩欲得淨土。當淨其心。隨其心淨。則佛土淨。天堂四句。一念善者是天堂。天堂就是舊家

以下十字文三句
錯簡了

鄉永無地獄長安國。自己龍華普放光。青州問云。現在釋迦。未來彌勒。古今恒存。何嘗隱匿。擬心動念。轉迂迴。爲報禪流。休費力。出是非。超語默。人間幾箇知恩德。故曰。那箇知聞長安國者。藥山問高沙彌。汝從那裡來。彌曰。長安來。山云。我聞長安甚鬧。彌云。長安雖鬧。我國晏然。山忻然曰。汝從看經得。請益得。彌曰。不從看經得。不從請益得。山云。大地人不看經。不請益。爲甚麼不得。彌云。不是不得。自是不肯承當。故曰。誰人知道。

有一箇古彌陀誰人知道。有一箇古觀音那箇知聞。有一箇活菩薩誰人知道。有一箇活神仙那箇知聞。梵語阿彌陀。此云無量壽。卽是自性彌陀。亘古不生不滅。古觀音者。觀世言音。尋聲救苦。經曰。觀世音淨聖。於苦惱死厄。能爲作依怙。舉僧問龍光禪師。如何是古觀音。師曰。適間提魚籃出去了。僧不契。故曰。那箇知聞。活菩薩者。非泥塑木雕者比。乃自覺覺他。上弘下化之名也。無垢頌曰。菩薩從來不離身。自家昧了不相親。若能靜坐回光照。便見生前舊主人。活神仙者。學人心神安靜。魔障消除。四大之中。有一無位真人。每日在六根門下。顯大神通。諸人還見麼。尋他

不見。喚着便應者是也。

有一箇真實僧誰人知道 有一箇真禪定那箇知聞

有一箇法中王誰人知道 有一箇大羅仙那箇知聞

僧者半梵語。全云僧伽。此云衆。今略稱僧。以和合故。

法數云。僧具六和。身和同衆住。語和同無爭。意和同

相悅。戒和同修。見和同解。利和同分。行人具此六和。

內外清淨。是名真實僧也。真禪定者。無妄曰真。靜慮

口禪。不動曰定。一切逆順境中。心不動念也。永嘉云。

行亦禪。坐亦禪。語默動靜。體安然。縱遇鋒刀常坦坦。

假饒毒藥也閑閑。我師得見然燈佛。多劫曾爲忍辱

仙。法中王者。於法自在。是名曰王。舉興教。洪禪師同

衆。普請天台韶國師次。忽聞墮薪有省。乃作偈曰。撲

落非他物。縱橫不是塵。山河及大地。全露法王身。大

羅仙者。法中王異名也。卽今在甚麼處。但肯全身都

放下。眼前便是大羅仙。

有一本大藏經誰人知道 有一本金剛經那箇知聞

有一本無字經誰人知道 有一箇無價寶那箇知聞

大藏經者。如來所說經典。言言見性。句句明心。若滯

文字。塵劫難明。若究根源。彈指便是。僧問資壽岩禪

師。大藏經中。還有奇特事也。無師曰。祇恐汝不信。僧

曰。如何卽是。師曰。黑底是墨。白底是紙。僧曰。謝師指
教師曰。領取鈎頭意。莫認定盤星。金剛經者。宗鏡云。
這一卷經。六道含靈。一切性中。皆悉具足。蓋爲受身
之後。妄認六根六塵埋沒一段靈光。終日不知不覺。
故曰。那箇知聞。龐居士云。經體本無名。受持無色聲。
心依無相哩。真是金剛經。無字經者。教外別傳。不立
文字是也。昔有一僧。在經堂內。不看經。每日打坐。藏
主問。何不看經。僧云。某甲不識字。主曰。何不問人。僧
近前。叉手鞠躬曰。這箇是甚麼字。主曰。又道不識字。
學人會得。正是無字真經。通身顯現。如若不會。故曰。
誰人知道。無價寶者。此寶無人酬價。說破不值半文。
諸人還會麼。咄。

有一箇大摩訶誰人知道 有一箇長生路那箇知聞
有一箇摩尼珠誰人知道 有一箇波羅蜜那箇知聞
大摩訶者。唐梵雙舉。梵語摩訶。此云大也。宗鏡云。摩
訶大法王。無短亦無長。本來非皂白。隨處現青黃。長
生路者。就是人人真性。永劫常存也。摩尼者。梵語。此
云如意。輕軟淨明。具諸功德。唯此一寶。可喻佛性。人
皆有此寶。但爲無明塵垢所覆。不能自見。故曰。誰
人知道。舉世尊陞座。將隨色摩尼珠。問五方天王。此

珠作何色。時五天王互說異色。世尊藏珠入袖。擡手云。此珠何色。王答曰。手中無珠。何處有色。世尊曰。汝等迷之甚也。我將此珠示之。便說青黃赤白黑。我將真珠示之。便總不知。時五天王言。下悟道。波羅蜜者。梵語。此云到彼岸。生死爲此岸。涅槃爲彼岸。煩惱爲中流。行人從生死此岸。渡過煩惱中流。直登涅槃彼岸。宗鏡云。波羅蜜者。登彼岸義也。見性得度。卽登彼岸。我祖勉人見性。故以波羅蜜爲人示之。

有一箇諸佛祖誰人知道。 有一箇諸佛母那箇知聞。 有一箇諸佛體誰人知道。 有一箇諸佛境那箇知聞。 有一箇三教母誰人知道。 有一箇諸字母那箇知聞。

此頌前文。諸佛藏經三教之母也。諸佛祖者。舉僧問疎山。如何是諸佛祖。山曰。何不問疎山老漢。僧無語。故曰。人知道。諸佛母者。母卽是祖。祖卽是母。更無二也。諸佛體者。楊岐會禪師示衆云。景色乍晴。物情舒泰。舉步也。隨身彌勒。動用也。到處釋迦。文殊普賢。總在這裡。衆中有人受人瞞底。便道楊岐和尪糲麵。雖然如是。布袋裡盛錐子。觸著便露。諸佛境者。華嚴經云。若人欲知佛境界。當淨其意如虛空。舉雙嶺化禪師。上堂示衆云。翠竹黃花非外境。白雲明月露全

真頭頭盡是我家物。信手拈來不是塵。遂舉起拂子云。會麼。認着依前還不是。揮案一聲。便乃下座。這裡會得無有一法。不是諸佛境界也。三教母者。如何卽是。前文云。本來面目爲做母。諸字母者。前文云。一切字名號。都是一字流出。認的這一字爲做母。且道。卽今母在甚麼處。咦。無影寺裡。常說話。這箇便是好消息。有一箇天地根。誰人知道。有一箇日月根。那箇知聞。有一箇五穀根。誰人知道。有一箇萬物根。那箇知聞。有一箇陰陽根。誰人知道。有一箇男女根。那箇知聞。有一箇三界根。誰人知道。有一箇世界根。那箇知聞。有一箇大千根。誰人知道。有一箇不壞身。那箇知聞。且道。如何是天地萬物。大千男女之根也。清靜經云。大道無形。生育天地。大道無情。運行日月。大道無名。長養萬物。道卽一字也。一字能生萬物。卽爲萬物之母。母有能生之義。卽所謂根也。善慧大士云。有物先天地。無形本寂寥。能爲萬象主。不逐四時凋。且道是箇甚麼。喚作一物卽不中。卽是大千世界。天地男女之根也。○舉陸且大夫。問南泉云。肇法師也甚奇特。解道天地同根。萬物一體。泉指庭前牡丹云。大夫。時人見此一株花。如做夢相似。天童頌云。照徹離微造。

化根紛紛出沒見其門游神劫外問何有着眼身
前知妙存虎嘯蕭蕭巖吹作龍吟冉冉洞雲昏南泉點
破時人夢要識堂堂補處尊不壞身者卽天地萬物
之根也乾坤有壞這箇安寧明了這箇纔說得天地
同根萬物一體

有一箇通天眼誰人知道 有一箇安身命那箇知聞
通天眼者非凡夫肉眼也肉眼有五義見麓不見細
見近不見遠見明不見暗見前不見後見障內色不
見障外色菩薩天眼遠見一切世界通達無有阻隔
衆生還具此眼麼如人夜間背手摸梳子不知具也
不具安身命者明得天地萬物之根卽是安身立命
只恐諸人不會故曰那箇知聞

自爲你不明白重重細說 又重徵又重說自在縱橫
重重細說者非一言而盡也此品有四十二箇差別
之名箇箇直指本心句句純談實相事有千差理無
兩樣勉人轉功就位借路還家獨顯無上菩提單究
本來面目時人逐境迷心故曰那箇知聞若是具眼
之人洞明這箇消息三世諸佛歷代祖師三藏十二
部一切修多羅乃至天地萬物依正等報總是這一
字流出古德云念念釋迦出世步步彌勒下生分別

現文殊之心。動用運普賢之行。門門皆出甘露。味味盡是醍醐。不出菩提之林。常處華藏之海。行住坐臥。觸目遇緣。雖然應用千般。真性湛然不動。上言一字。流出萬物的母。經旨一品已竟。偈曰。

四十二箇總爲權

引化諸人復本原

就路還家無別徑

借事顯理有何言

轉功就位由君用

退步抽身要自專

這裡若然親會得

不辜我祖十三年

那箇有壞那箇不壞品第五。

此經一品主意一科。破色明空也。祖見行人執着一切色相。不明自己法身。色相壞了。撲了頑空。不得安身立命。依然生死輪迴。我祖婆心太切。故爾自問自答。說出一箇有壞。又指出一箇不壞。令人向有壞假相之中。發明不壞真相。故曰那箇有壞。那箇不壞。品題解竟。偈曰。

有相身中無相身

色身敗壞性常存

生如楊柳枝抽眼

死似梧桐葉落根

死了又生生了死

成還復壞壞還成

當人欲免輪迴苦

決要全生大事情

那箇有壞那箇不壞

此述品題二句。乃審問之辭。為總標。下文自答。為別釋也。

佛人僧俗善惡。三教菩薩修證。天堂地獄經書。這些都有壞。

此答那箇有壞。破色之不實也。佛有三十二相。八十四種好。紫摩金色之身。未免雙林入滅。人指大地諸人。父精母血。四大合成。風火散時。終歸敗壞。僧乃出家之士。俗是在家之人。善者三業清淨。惡者十惡俱全。三教者。夫子老君佛。不免有無常。菩薩者。精修六度。修証者。着相求玄。天堂地獄。三災起時。悉皆敗壞。經書者。二教化人之文字。諸子勸善之典章。佛人十二事。情與無情。依報正報。都是假相。難免無常。故總結云。這些都有壞。金剛經云。凡所有相。皆是虛妄。傳大士云。有身非覺體。無相乃真形。

本來面目。從無量曠大劫來。永劫不壞。山河有壞。這箇安寧明了。這箇耀古騰今。也無古佛。也無衆生。這箇常存。再無別事。

此答那箇不壞。明空之不壞也。本來面目。就是清淨法身。行人若肯承當。與汝同行同坐。無量劫來。不生不滅。故曰永劫不壞。山河二句。小涅槃經云。一切山

萬
常作長

岩皆有崩穴。一切江河皆有枯竭。唯有法身常住不滅。明了二句。宗鏡云。自有靈光耀古今也。無二句。古德云。真如界內。絕生佛之假名。後二句。法華云。惟此一事實。餘二則非真。上釋品題義竟。下讚不壞真空。本來無一物。何處有塵埃。刀不能砍。水不能滄。火不能燒。萬物不能遮擋。地獄化的無踪。十方世界獨為尊。

前二句。出六祖壇經。發明一心。不住萬法。心不隨境。境不礙心。心境如如。豈有塵埃。刀不能砍者。刀能砍着四大面。法身無相不能侵。水滄火燒。亦復如是。萬物不能遮擋。虛空能生萬物。萬物不礙虛空。古德云。心若空時無地獄。心若空時無閻君。故曰。地獄化的無踪。十方世界獨為尊。且道是箇甚麼。咦。這箇常存。再無別事。楞嚴云。十方虛空。在人心內。況諸世界。在虛空耶。故曰。獨為尊。前文已竟。偈曰。

天有壞地有壞。這箇不壞。僧有壞俗有壞。這箇長生。此偈至下。破色明空。頌明那箇有壞。那箇不壞也。天地有成住壞空。故曰有壞。惟有先天大道。永劫常存。故曰這箇不壞。舉僧問大隋。劫火洞然。大千俱壞。未審這箇壞不壞。隋云。壞。僧云。甚麼則。隨他去。隋云。隨他去。這僧不薦。復至舒州。問投子。投子云。大隋是古

佛出世。汝可速回。其僧既回。隋已迂化。頌曰。劫火光
中立問端。衲僧猶滯兩重關。可憐一句隨他語。萬里
區區獨往還。又舉僧問龍濟禪師。劫火洞然。大千俱
壞。未審這個壞不壞。濟云。不壞。僧云。爲甚不壞。濟云。
爲同大千。此二大老。一箇道壞。一箇道不壞。我祖一
句道盡。故曰。天有壞。地有壞。這箇不壞。僧俗有壞者。
僧俗色身有敗壞。這箇真性永常存。

佛有壞。聖有壞。這箇不壞。銅有壞。鐵有壞。這箇長生。
諸佛聖賢。報化之身。都有壞。惟有這箇清淨法身。永
劫不壞。一切銅鐵佛相。都有敗壞。川禪師云。金仗不
度爐。木佛不度火。泥佛不度水。頌曰。三佛形儀總不
真。眼中瞳子面前人。若能信得家中寶。啼鳥山花一
樣春。

善有壞。惡有壞。這箇不壞。修有壞。證有壞。這箇長生。
善者天人相。惡者鬼畜形。善惡形相。皆有敗壞。那箇
是不壞的。六祖云。不思善。不思惡。這箇本來面目。永
劫不壞也。修者。修一切善因。証者。証一切善果。因圓
果滿。如花落地。故曰有壞。若是明道之人。修百萬年
不添。沉淪百萬年不減。故曰這箇長生。

說神呪通天地。無有遮擋。說明呪照十方。耀破乾坤。

說上呪無一物無有比賽。說等呪無朋伴獨自為尊。此引心經四呪頌明這箇不壞下七字。釋上三字以宗判教也。梵語陀羅尼。此云呪。祝願之義。謂祈祝如願。不失其望也。神呪者。諸佛有大勢威神之力。有斷惑証真之功。衆生本具而不少。因物遮蔽而不通。若悟心地法門。卽是不測神呪。六根門下。顯大神通。千變萬化。無有遮擋也。明呪者。行人悟此妙明真性。如日月燈放大光明。能破黑暗。故曰。照十方耀破乾坤。諸人要識此呪麼。開池不待月。池成月自來。上呪者。此呪恒居諸法之上。諸法不能齊肩。超三界。越二乘。盡十方。遍法界。更無一法可加。故曰。無一物無有比賽。等呪者。卽無等之等。此呪爲三世諸佛。一切菩薩之慈母。最尊最貴。天上人間。無能及者。故曰。無朋伴。獨自爲尊。衆生迷此。故受輪迴。悟之者。轉煩惱而成菩提。處生苑而證涅槃。

這便是萬物根。纔知下落。無量劫迷了我今日相逢。我祖洞明般若四呪。乃是萬物根源。故曰。纔知下落。從無量劫。六道輪迴。迷失不知。今喜得個人身。幸遇佛祖正法。故曰。今日相逢。

這便是來處來安身立命。這便是不動搖自己家風。

我祖親悟這個不壞真身。就是來處分明。卽得安身立命。生如寄客。死若歸家。逆順境風。不能爲礙。且道是箇甚麼。名爲自己家風。○舉唐順宗問佛光滿禪師。佛從何方來。滅向何方去。旣言常住世。佛今在何處。師曰。來爲衆生來。去爲衆生去。清淨真如海。湛然體常住。智者善思惟。更勿生疑慮。

再無生再無死。再無苦海。無三災無八難。快樂無窮。我祖旣得安身立命。生死苦海。頃刻消除。八難三災。卽時頓滅。三災者。刀兵疾病饑饉也。八難者。地獄餓鬼畜盲聾世智聰。佛前佛後難。北俱無想中。無想。卽非想天。此兼天上人間三惡也。

有大道通身是誰人知道。有一箇舍利子那箇知聞。此言道不遠人。而人不知也。大道通身是者。六根門下。四大腔中。內知饑餓。外見青黃。只恐迷人不會。故曰。誰人知道。舍利子者。堅固不壞之真身。卽人本有之佛性。世人逐境迷心。故曰。那箇知聞。○涅槃經云。世尊七十有九。二月十五入滅。在拘尸那城。娑羅雙樹林。右脇而臥。背東面西。頭北足南。娑羅樹林。西方一雙。在如來前。東方一雙。在如來後。北方一雙。在如來來頭。南方一雙。在如來足。至於中夜。便般涅槃。其娑

羅林東西二雙合爲一樹。南北二雙合爲一樹。垂覆寶牀。蓋於如來。其樹慘然變白。大地震動。日月無光。諸天哀號。唱言苦哉苦哉。一切衆生喪真慈父。失所敬天。或有隨佛滅度者。或有大叫搥胸者。或有悶絕躡地者。于時依輪王法。用以棺槨。爾時拘尸城人貪福善心。不令天人一切大衆同舉佛棺。卽議四大力士請舉佛棺入城供養。盡其神力不能令動。復八力士至十六士亦不能動。樓逗告言。總盡城人亦不能動。世尊平等。令諸人天得福無異。爾時棺乃自舉。昇虛空中。高七多羅樹。徐徐乘空。從拘尸城西門而入。東門而出。乘空右遶入城南門。從北門出。乘空左遶。還從西門而入。從東門出。於是展轉左右遶城七匝。金棺入城。大衆悲號。各持妙香。普薰世尊。又以無價梅檀沉水。結大香樓。金棺漸漸空行。至茶毘所。乘空而下。爾時大迦葉從摩伽提國。將五百弟子來至佛前。慟哭作禮。世尊從棺雙出兩足。迦葉見之。手捉摩捫。而說頌曰。一切行無常。生者必有死。無生亦無死。此滅爲最樂。爾時一切大衆共舉寶棺。置於香樓。城中有四力士持火焚樓。茶毘如來。火投自滅。八士十六。又三十二。皆不能焚。迦葉告言。大聖寶棺。三界之

火所不能焚。何況汝力。而能燒耶。爾時如來。從心胸中。火踊棺外。漸漸荼毘。經於七日。香樓乃盡。爾時四天王及海神。江神。河神。至荼毘所。急欲舍利。歸去供養。各瀉金瓶香水。一時次第注火。火勢轉高。都無滅也。時樓逗一名阿那律語天王及海神。一居天上。一居海中。汝收舍利。各還本處。地居之人。如何得往。而供養也。二衆負慚而退。時帝釋天。持七寶瓶。及供具至。其火頓息。視棺儼存。帝釋白衆。請佛所許。右牙舍利已竟。爾時八大國王。優填王。頂生王。惡生王。阿闍世王。四大兵馬王。最豪兵馬王。容顏兵馬王。熾盛兵馬王。金剛兵馬王。此八大王。共爭舍利。各言我應獨得。大臣優波吉諫言。諸王莫爭。均分供養。釋提桓因。現爲人語。我等諸天。亦當有分。阿耨達池龍王言。我等亦應有分。優波吉言。諸君且住。宜共分之。卽分三分。一分與諸天。一分與龍王。一分與八王。金瓮受石餘。此臣以蜜塗甕裏。以瓮爲量。卽分舍利。八王各得一瓮。天得還天宮起塔。龍得還龍宮起塔。王得還各國起塔。諸人只知如來有舍利。不知人人本有也。梵語舍利。此云靈骨。卽人靈明之體。金剛不壞之身也。藥山道。皮膚脫落盡。乃有一真實。

有一箇不生滅誰人知道 有一箇不垢淨那箇知聞
有一箇不增減誰人知道 無量劫無欠少那箇知聞
此引般若妙法開示一切學人有一箇不生滅者全
談理性圓滿無虧亘古亘今不生不滅爭奈諸人不
會故曰那箇知聞

有萬般都有壞這箇不壞 有萬般都有壞色卽是空
有萬般都有壞空卽是色 執相修撲頑空色卽是空
色空二句般若大義卽色以明真空卽空以顯妙色
此言萬般有壞這箇不壞破幻色之非堅明真空之
不壞二句色卽是空色乃幻色空是頑空言執幻色

者終落頑空三句空卽是色有壞卽空此空因色而
有四句色卽是空就是執着色相修行終落頑空境界
有一箇無價寶永劫不壞 有一箇無量壽永劫常存
無價寶者長慶大安禪師上堂云汝等諸人各有無
價寶珠從眼門放光照見山河大地耳門放光普聞
一切音聲如是六門晝夜常放光明亦名放光三昧
隱在身中汝自不識如人負重担從獨木橋上過亦
不失脚且道是誰扶持便得如是誌公曰內外追尋
覓總無境上施爲渾大用無量壽者梵語阿彌陀此
云無量壽彌陀經云彼佛壽命及其人民無量無邊

阿僧祇劫。若是見性之人。親見自性彌陀。就是無量壽佛。終朝常對面。寸步不曾離。故曰永劫常存。

有一箇菩提樹。誰人知道。有一箇鑛中金。那箇知聞菩提樹者。宗一禪師云。美玉藏頑石。蓮花出淤泥。須知煩惱處。悟處卽菩提。學人不明此理。故曰誰人知道。舉僧問投子。菩提煩惱。是一是二。投曰。是二。僧曰。如何是菩提。投曰。請坐吃茶。僧曰。如何是煩惱。投曰。這僧聒噪人。趕出去。頌曰。入草親尋草裡人。重重有路掌中平。不遇大商空突曉。日高猶聽打三更。鑛中金者。人我山中。有箇煩惱鑛。煩惱鑛中。有箇真金佛。

圓覺云。如銷金鑛。金非銷有。旣已成金。不重爲鑛。迷人不會此意。故曰那箇知聞。

若有人得知道長生之道。到臨危無來去。普現全身。又無修。又無證。縱橫自在。無修證。到臨危普放光明。長生之道。卽前這箇不壞。永劫常存也。此道本無來去。亦無修證。傳燈云。大道本無修。不修自合道。故曰。無修証。到臨危普放光明。且道光明在甚麼處。放諦聽下句。

到臨危把日月比得。不見。到臨危把世界自當微塵。到臨危把明暗比得。不見。遍十方勝境界。晃破乾坤。

到臨危者。無常時至也。日月明暗。比得不見。日能照
晝不照夜。月能照夜不照晝。怎比自性光明。晝夜常
明不斷。宗鏡云。靈明一點輝千古。超日月光歸去來。
世界當微塵者。乾坤所有一切色。自當微塵細兩看。
一切境不礙一心。一心不隨一切境。內心外境打成
一片。真空幻色。總是一光。到此心似虛空。体同法界。
十方諸國土。無利不現身。此是最勝境界。故曰。遍十
方勝境界。晃破乾坤。

自爲你不明白。重重細說。又重徵又重說。自在縱橫。
因人不明。萬法有壞一性常存。故此重徵疊示。正是
自利利他菩薩心也。上言那箇有壞。那箇不壞。經旨
一品已竟。偈曰。

天生幻化內含光

動止無非是覺王

應用洞明玄妙旨

施爲親見古家鄉

居塵莫與塵分別

處世方知世闡揚

會得這些無別事

彌陀遍界不曾藏

先有本來面目。後有天地。品第六。

此經一品。主意一科。性法先後也。行人不知一性在
先。萬法在後。故立此品示之。先有本來面目。人人本
有實相在先。後有天地。一切萬物有形在後。勉人洞

明一性。免逐萬法。永嘉云。直截根源。所印。摘葉尋枝。我不能。品題解竟。偈曰。

道在清虛一竅中。

惟精惟一體中庸。

要知物外風光足。

須把心中妄念空。

五欲浪深沉太極。

七情波淺見鴻濛。

東君若會聲前句。

古鏡當臺八面通。

未曾初分天地。先有本來面目。從曠大無量劫。永劫常存。

本來的面目

先有本來面目

解曰。此下總明性法先後。此一段先言本來面目。在天地未分之前。即是先天大道。要明先天大道。人人本性就是。從無量劫。不生不滅。故曰永劫常存。

後有諸佛三教。後有僧俗戒律善惡。後有地獄天堂。後有古今萬物。（後有古今）

此言後有天地萬物。古德云。心能作佛。心作衆生。心作天堂。心作地獄。心為萬法之主。萬法從心而生。過去為古。現在為今。此心非古非今。非善非惡。故曰。後有古今萬物。

科儀云。自有靈光耀古今。古今也無如何不承當。此引宗教雙彰。證明性法先後。自有靈光耀古今。自家本有靈光。就是本來面目。不從千聖借。豈向萬機

求耀古騰今。光明無間。古今也無者。靈光非古非今。如何不承當。要人信受也。五燈。僧問慧本禪師。有物先天地。無形本寂寥。未審是甚麼物。師曰。一定墨。僧曰。恁麼則。耀古輝今去也。師曰。好箇時節。誰肯承當。這些萬物名號。都是自家發現。自家靈光。爲大爲尊。因何不信。

萬物名號。正指天地已後。諸佛三教等名。都是自家發現。無中生有也。爲大爲尊者。非卑非小也。因何不信。祖見諸人。逐妄迷真。背明投暗。要人深信自家靈光。不可心外別求。

信心卽功德道原。

此言能生信心之人。功德無量無邊。明大道之本原。具真空之造化。正是爲大爲尊。華嚴云。信爲道原功德母。

怎麼爲尊爲大。爲母爲道。怎麼萬物爲虛。自家爲實。一四品本來面目爲做母。那箇大怕小。實怕虛。至此祖復自問。令人諦聽。正見婆心諄切也。

萬物爲虛。自性爲實。

此祖自答。母道虛實也。萬物用而爲虛。無中生有。有盡還無。故曰虛也。自性體而爲實。用從體起。用滅體

存。故曰實也。一切萬物皆從性生。自性為實。更無疑也。為尊為大。為母為道。可不言而喻矣。前文已竟。日。偈。

未有天地先有性。未嘗初分先有性。今朝如何不承當。

此偈至下。重頌性法先後。天地至萬物。共有十九事。

未有天地先有性。未曾初分天地之時。先有人人本

性。正頌未曾初分天地。先有本來面目。此以性之一

字。頌前本來面目四字也。今朝如何不承當。審問諸

人。今日為因何事。不肯承當。自性為實。

未有善惡先有性。今朝如何不承當。

未有生處先有性。今朝如何不承當。

未有地獄先有性。今朝如何不承當。

未有閻君先有性。今朝如何不承當。

未有修証先有性。今朝如何不承當。

未有陰陽先有性。今朝如何不承當。

善惡生處。由心所造。地獄閻君。由心而生。修証陰陽。

由心而變。今人只在善惡上用心。不明白自性本無善

惡。古德云。心若空時無地獄。心若空時無閻君。閻君

地獄。既然無善惡陰陽。亦不有無垢云。要得心空苦

便無。有何生處。有何拘。一朝脫下胎州襖。做箇逍遙

大丈夫。我祖勉人。直下承當自性。不逐萬法生心。宗

以下鈔簡

鏡云。何如直待承當。莫待今生錯過。

未有千佛先有性 今朝如何不承當

未有諸佛先有性 今朝如何不承當

未有菩薩先有性 今朝如何不承當

未有神仙先有性 今朝如何不承當

未有陽神先有性 今朝如何不承當

學人不明自性真佛。本有菩薩向外馳求。終不成就。

宗鏡云。文殊不遠。休巡土山坡。祖社順和尚偈曰。遊

子謾波波。臺山禮土坡。文殊只這是何更覓彌陀神。

仙陽神亦復如是。我祖直指諸人。故曰。今朝如何不

承當。

未有僧俗先有性 今朝如何不承當

未有戒律先有性 今朝如何不承當

未有禪定先有性 今朝如何不承當

未有三教先有性 今朝如何不承當

未有經書先有性 今朝如何不承當

未有古今先有性 今朝如何不承當

未有萬物先有性 今朝如何不承當

此上千佛十二事。今時門頭接物利生。皆不可缺。然
實際理地。纖塵不立。惟有本性在萬物之先。今朝如

何不承當。宗鏡云。若能直下承當。管取本來具足。舉
招提慧朗禪師。初參馬祖。祖問汝來何求。曰。求佛知
見。祖曰。佛無知見。知見乃魔耳。汝自何來。曰。南嶽來。
祖曰。汝自南嶽來。未識曹谿心要。汝速歸彼。不宜他
往。師歸石頭。便問如何是佛。頭曰。汝無佛性。師曰。蠢
動含靈。又作麼生。頭曰。蠢動含靈。却有佛性。曰。慧朗
爲甚麼却無。頭曰。爲汝不肯承當。師於言下悟入。住
後。凡學者至。皆曰。去去。汝無佛性。其接機大約如此。
我祖要人信受。故曰。今朝如何不承當。

自爲不信重重說

我發弘願你承當

白爲大地衆生。不信自己本來面目。我祖發大弘願。
重重細說。要人信受承當。上言先有本來面目。後有
天地經旨一品已竟。偈曰。

常聞母未生前事

檢點將來在目前

欲究根源須自悟

了明大事要真傳

言談見徹知偏正

動止安詳覺後先

揆着最初前一句

頭頭步步是先天

自家真身不認。一包膿血肯認。品第七。

此經一品。主意二科。一者破妄明真。祖見行人。不明
清淨法身。妄認有情色相。故立此品示之。自家真身。

卽六品本來面目。迷人不悟。逐妄迷真。故曰自家真身不認。一包膿血肯認。品題解竟。偈曰。

皮包血肉骨纏筋。多少聰明錯認真。

三寸氣消誰是主。百年身壞謾虛名。

貪名圖利無邊客。窮理休心有幾人。

不達本來真面目。閻王追去不容情。

自家金身你不認。一包膿血肯認。就是苦無盡。

此下破妄明真。此先總標真妄。金身者。歷劫不變。卽

真身也。又名本來面目。又名清淨法身。此身取不得。

捨不得。猶如水中鹽味。色裡膠青。畢竟是有。不見其

形。一包膿血者。父精母血。三緣和合而生。此身薄皮

包裹。九孔常流。智度論云。種種不淨物。充滿於身中。

長流出不止。如漏囊盛物。故曰。就是苦無盡。

七尺骷髏。是一包膿血。是地水火風。風火散時。無老少。

陽間能有幾英雄。

此釋一包膿血有苦也。七尺骷髏。就是一包膿血。地

水火風合成。凡夫認以爲實。終朝貪快樂。不肯想修

行。爭人爭我。誇會誇能。忽然大限臨頭。那時手無所

措。渾身煖氣歸火。動轉呼吸歸風。血脉痰吐歸水。筋

骨皮肉歸土。四大各歸其原。一靈真性無處安身。且

肯字下
認下有他字

自家金身不認

如漢時三傑。卽今何在。戰國七雄。空有虛名。故曰。風火散時。無老少。陽間能有幾英雄。

自家金身本來面目永劫常存。臨危之時。放光動地。

此釋自家金身有樂也。認得自家金身。同行同坐。同笑同談。同穿衣。同吃飯。傳大士曰。起坐正相隨。語默同居止。風火雖散。真身不散。故曰永劫常存。臨危之時。輝天鑑地。故曰放光動地。要見放光動地麼。峽山花開似錦。澗水湛如藍。昔有七賢女。同遊屍多林。一女指一枯骨曰。屍在這裡。人向甚麼處去耶。一女在傍曰。怎麼。怎麼。隨感帝釋天主。以花而散其處。學人明此。故曰放光動地。

科儀云。彈指已超生死海。

此引証上自家金身永劫常存也。宗鏡云。彈指已超生死海。何須更覓渡人舟。昔有一屠人。正殺猪。見佛來。忽置刀云。昨日夜叉頭。今朝菩薩面。菩薩與夜叉。不隔一條線。佛言。如是如是。諸人如是會得。有甚生死海也。

彈指明自。永無生死苦海。到臨危。放光動地。（永無輪迴生死苦）此宗釋教。彈指明自。無罪不釋。無福不生。自然放光動地。輪迴生死頓空。前文已竟。偈曰。

有脩有證
有沉淪
有成有壞

這些都是修証法 有修有証有沉淪

有成有壞外道法 有佛有人有沉淪

有冷有熱還有苦 有禪有定有沉淪

此偈重頌上文這些都是修証法指前六品天地萬

物以至色身都是修証之法有成有壞難免沉淪有

佛有人有沉淪者古德云真如界內絕生佛之假名

平等性中無自他之形相冷熱者即陰陽也迷人妄

修仙術搬精運氣煉神還虛欲冀延年終不可得正

是饒經八萬劫終是落空亡故曰還有苦禪定者永

嘉云行亦禪坐亦禪語默動靜體安然行人不達此

義妄執枯坐為禪故曰有沉淪三祖信心銘云執之

失度必入邪路放之自在體無去住

有僧有俗生死路 受戒受律苦輪迴

有老有小生死路 這些對法苦輪迴

有僧有俗生死路分別在家出家執着僧相俗相執

相修行不明無相故曰生死路受戒受律苦輪迴執

着受戒受律不明自己真戒有福有盡難免輪迴有

老有少迷人執着修煉之法希圖長生不死返老還

童不明自己真人本無老少壽相不空便是生死之

路這些對法指上修証至老小也若論實際理中離

虛實絕對待。豈有這些對法。但有對法。就有輪迴。上言破妄明真一科竟。○下言真身妙用二科也。未曾初分天地。先是現成。又不生。又不滅。又不垢。又不淨。又不增。又不減。刀不能砍。水不能滄。火不能燒。天不能蓋。地不能載。三界不能遮擋。三千大千世界。自當微塵細雨。

此言真身妙用。未曾初分天地之時。先有本來面目。天然現成。本無生滅。垢淨增減。皆不可得。其體猶若虛空。棒打虛空空不痛。刀砍虛空空不斷。水滄虛空空不濕。火燒虛空空不焚。天蓋虛空空無邊。地載虛空空無底。觀大千世界。猶如空中至微之塵。極細之雨。雖有其形。不見其跡。川老云。日月雖明。難比其光。乾坤雖大。難包其體。能生萬有。而不見其形。徧周沙界。而不覩其跡。寬則包藏法界。窄則不立纖毫。顯則八荒九夷。無所不至。隱則纖芥微塵。無所不入。○無垢云。世人不能返本者。蓋因錯認色身為已。被六根所瞞。七情遮蔽。失自本真。以致流浪生死。諸人要見本真麼。尋不見。覓不見。十二時中。遶身轉。省得麼。法身體若太虛空。性道原來總一同。只因逐妄迷真性。所以輪迴六道中。

到臨危。放光動地。山河大地透玲玲。無有遮擋。把日月比得。不見踪跡。自家神光照徹十方。勝境無邊。

前言劫外風光。此言目前受用。臨危者。無常時至也。修行之人。非但無常時至。是臨危。現在時時有臨危。日日有臨危。逆境順境。總是臨危。有智之人。身臨危險處。心放大光明。遇魔障而不起念。逢災難而不動心。山河大地透玲玲。無有遮擋。正明放光動地。玄沙云。盡大地是沙門一隻眼。盡大地是一箇法王身。如是會得。無有遮擋。把日月比的不見踪跡。且道是箇甚麼。即是自家神光照徹十方。無隔礙。勝境無邊。不

可量。宗鏡云。靈明一點輝千古。超日月光歸去來。

未曾初分。先是現成。因何不承當。上等之人信無疑。下等之人不信心。說此難信之法。希有之事。

威音那畔。原本現成。直至如今。亦無欠少。迷人為何事。不肯承當。現成底。若是上等有智之人。一聞千悟。信心無疑。下等薄福之人。多聞多退。轉謗大乘。說此難信之法。希有之事也。偈曰。

自家金身不肯認

自家金身不承當

地水火風到肯認

呆痴自認外邊身

活活菩薩你不認

菩薩終日放光明

以下仍分

呆痴男女他不信

輪迴受苦好恓惶

此偈至下。重頌真身妙用。此先破迷人執妄。不知自家金身。自認一包膿血。不知是地水火風假合而成。如水中泡。似空中花。雖有非實。故曰外邊身。活活菩薩。不是泥塑木雕。正是自家金身。常在四大腔中。六根門下。渾身內外。普放光明。內知饑渴。外見青黃。眼門放光。觀見山河大地。耳門放光。能聽一切音聲。晝夜常明。無有間斷。可憐呆痴男女。不能信受。故曰。輪迴受苦好恓惶。

聰明男女自家認

聰明男女自承當

承當金身歸家去

臨危之時放毫光

自要脫了沉淪苦

信心不退是天堂

信心男女無地獄

陰司地獄放毫光

此頌智者歸真。聰明男女。非呆痴者比也。承當自家金身。就是活活菩薩。終日放光。地獄化的無踪。此是信心男女也。陰司地獄放毫光者。如涅槃經。阿闍世王。無辜害父。心生悔熱。徧體生瘡。無醫可治。大醫者。婆。勸王向佛求懺。舉波羅奈國。屠兒廣額。於每日中。殺無數羊。一日回心。即成正覺。此是信心弟子。離苦生天。猶如赫日消霜。豈有地獄也。

阿耨多羅無一物

菩提三藐自承當

阿耨本來無一物

菩提輪迴放毫光

此頌未曾初分天地。先是現成。無有一物也。六祖云。本來無一物。何處惹塵埃。阿耨九字。此翻無上正等正覺六字。我祖宗教雙拈。勉人承當自己真身。雖處塵勞。發明正覺。一正能壓百邪。一善能改百惡。故曰。菩提輪迴放毫光。

自為不信重重說

重辯重徵自承當

此二句。叮嚀之語。勉人之意切矣。上言自家真身不認。一包膿血。肯認經旨一品二科。竟偈曰。

天然大道本方圓

爭奈當人着愛纏

三毒水傷圓覺海

六情火熨性真天

千生習氣迷靈覺

萬劫無明障本原

好向目前明大道

寶山切莫握空拳

未曾初分天地。先是現成。品第八。

此經一品。主意一科。言本性自然也。品題二句。承前品文中而來。大義經內詳之。祖見行人。不知本性自然。心外妄求修証。故立此品示之。宗鏡云。憶得古人會解道。更須會取未聞前。未聞已前。先有現成底。如太子處胎。貴壓群臣。古德云。父母未生前。凝然一相。

○魏魏
圓釋迦猶不會。迦葉豈能傳。此正未分天地。先是現成也。品題解竟。偈曰。

大道寥寥本自然。

修行何必要人牽。

孤明歷歷心無染。

萬境閑閑意不緣。

地獄天堂平似掌。

閻浮清泰直如絃。

堂堂密密原無間。

彈指何曾不現前。

未曾初分天地。是箇現成的。

此下皆明本性自然。不假修證也。此二句。按品題爲總標。以下文偈。皆別釋也。

又無修証。又無善惡。又無戒律。又無男女。又無僧俗。無佛無人。無有地獄。無有閻王。無有絲毫。可修可証。

六品先有本來面目。後有天地。是從體起用。此品未曾初分。先是現成。是攝用歸體。又無修証者。正言天地未分之前。先有本來面目。是箇現成的。本來無修証。佛人僧俗。正報皆空。地獄閻君。依報不有。絲毫修証。不可得也。此正攝用歸體。本淨禪師云。佛因心悟。心以佛彰。若悟無心。佛亦不有。佛之一字。旣無。餘者可例推矣。

是現成自在天宮。是現成極樂國。是現成真西方。是現成舊家風。是現成無價寶。是現成法中王。是現成無位。

真人未有天地。是箇現成的。因何不承當。
自在七事。別釋現成大義。自在天宮。非修可得。若是
有修。不名自在。極樂國者。非五濁惡世可比。純樂而
無苦也。真西方者。自性西方。不從外得。從門入者。不
是家珍。舊家風者。原本現成。不從今有。無價寶者。世
之七寶有價。此寶無價可酬。法中王者。於一切法。自
在無碍。故名王也。無位真人。六門出現。原無定位也。
七事雖異。總名現成。未有天地。是箇現成的。三祖云。
圓同太虛。無欠無餘。因何不承當。學人爲因何事而
不肯承當。此現成妙法也。

你若不信。更有絲毫。可修可証。卽墮生死界。永劫受沉
淪。

我祖所說妙法。真實不虛。諸人當生信心。若不生信。
難免輪迴。○舉。龍潭崇信禪師。見天皇悟禪師。一日
問曰。某自到來。不蒙指示心要。皇曰。汝擎茶來。吾爲
汝接。汝行食來。吾爲汝受。汝和南時。吾便低首。何處
不指示心要。師低頭良久。皇曰。見則直下便見。擬思
卽錯。師當下開解。復問如何保任。皇曰。任性逍遙。隨
緣放曠。但盡凡心。別無聖解。故曰。更有絲毫。可修可
証。卽墮生死界。永劫受沉淪。

若更有修証。蓋覆現成的。若無修証。顯出自已現成光明。盤走珠。珠走盤。縱橫無碍。

此法喻雙彰。有無較量。有修蓋覆現成的。傳燈云。若起修道心。此人不曾道。無修顯出現成光明。傳燈云。道體本無修。不修自合道。後三句。以喻顯法。盤喻一切境。珠喻一箇心。卽境明心。故曰盤走珠。卽心現境。故曰珠走盤。心不隨境。境不礙心。心境如如。猶圓珠而置平盤。不撥自轉。名爲走珠。故曰縱橫無碍。

到臨危。天不能蓋。地不能載。閻王地獄。山河大地。化的無踪。纔是縱橫無碍。萬物難熬這消息。

臨危者。大限已至之時。行人最急之處。若是洞明現成妙法。雖然大限臨頭。一心巍巍不動。天地不能蓋載。地獄化的無踪。懸崖撒手。任意縱橫。諸形無常。比之不及。故曰萬物難熬這消息。前文已竟。偈曰。

未有天地先現成。

今朝如何不承當。

此偈重頌上文。本性自然。不假修証。勉人承當現成的。天地至生死。共計十一事。此二句。先頌未曾初分的。天地是箇現成的。天地未分已前是劫外。名爲大體。天地既分已後是今時。名爲大用。今時劫外。體用同源。發明此理。故曰承當。凡夫着有二乘。着無各執一。

邊故曰不承當

未有修証先現成

今朝如何不承當

未有善惡先現成

今朝如何不承當

未有戒律先現成

今朝如何不承當

未有禪定先現成

今朝如何不承當

未有僧俗先現成

今朝如何不承當

未有闍王先現成

今朝如何不承當

修証者。修因証果。楞嚴云。菩提遙遠。非修莫証。前文云。若更有修証。蓋覆現成的。善者十善。惡者十惡。戒律禪定。僧俗修行之法範。善惡修証。闍君判斷之規

模。若論最上一乘。實際理地。一念不起處。四大未生

時。一物也無。修証諸法。皆不可得。永嘉云。証實相無

人法。刹那滅却阿鼻業。有此利益。故曰。今朝如何不

承當。

未有三教先現成

今朝如何不承當

未有千佛先現成

今朝如何不承當

未有古今先現成

今朝如何不承當

未有生死先現成

今朝如何不承當

三教者。儒釋道也。千佛者。三世諸佛也。古今生死者。世有古今。人有生死。若說未分天地。人法皆空。這箇

現成如何不承當。宗鏡云：若能直下承當，管取本來具足。古德云：夜觀明星，莫當真。威音那畔，露全身。若言苦行方成道，只好瞞他没眼人。○舉福州大安禪師見百丈問曰：學人欲識佛，何者？卽是丈曰：大似騎牛覓牛。師曰：識後如何？丈曰：如人騎牛至家。師曰：始終如何？保任丈曰：如牧牛人執鞭視之，不令犯人苗稼。師自茲領旨，更不馳求。一日上堂曰：大安在瀉山三十年來，吃瀉山飯，屙瀉山屎，不學瀉山禪。只看一頭水牯牛，若落落入草，便牽出；若犯人苗稼，卽鞭撻。調伏既久，可憐生。如今變作箇露地白牛，常在目前。終日露迥迥地，趕亦不去矣。由此觀之，若大安者可謂承當現成的。諸仁者，丈夫自有冲天志，切莫騎牛又覓牛。

不生不滅是現成

今朝如何不承當

不垢不淨是現成

今朝如何不承當

不增不減是現成

今朝如何不承當

此引般若妙法，頌明現成大道。諸相有生滅，有垢淨，有增減。此道無相，非生非滅。傅大士云：有身非覺體，無相乃真形。我祖要人信受，故曰：今朝如何不承當。自爲不信，重重說。重辯重徵，要承當。

此品題曰未曾初分天地。先是現成。文中就有許多言句出來。重重明辯。細細叮嚀。只是要人承當現成的。上言八品經旨已竟。偈曰。

撥不開兮捏不圓

圓陀陀地密綿綿

法輪常轉原無間

佛日增輝恒有權

境寂再非羈意馬

情忘更不鎖心猿

天然一片閑田地

達者方知滋味全

萬物都有壞。自有一箇不壞。品第九

此經一品主意一科。破假明真也。學人只修諸形假相。不悟這箇真身。故立此品示之。此品無文獨偈。承

上品而來也。天地未分已前。這箇現成。永劫不壞。天地既分已後。萬物紛紛。有成有壞。故曰萬物都有壞。自有一箇不壞。品題解竟。偈曰。

萬物紛紛共一身

一身無壞亦無成

迷時執色皆為妄

悟後持空總不真

諸形無常生滅法

一靈不滅定南針

分明指出長生道

直下承當莫外尋

有萬般都有壞。這箇不壞。有萬般都有壞。這箇常存。此品無文獨偈。名曰孤起。意從八品而來。此二句。正頌品題。萬物有壞。一箇不壞。破假明真也。這箇不壞。

古德云。行住坐臥。不離這箇。這箇就是自己現成的。
千劫不壞。萬古常存。

有萬般都有壞。空即是色。有萬般都有壞。色即是空。
有萬般是色。相空即是色。凡所相皆虛妄。撲了頑空。
行人執修諸形假相。不悟實相真身。臨危無處安身。
終落頑空境界。頑空者。四生遷轉。六道輪迴。落頑空
者。執幻色。執幻色者。落頑空。恐人不能深信。又引金
剛云。凡所有相。皆是虛妄。故曰。撲了頑空。

諸形相是無常生滅之法。把相法都滅了。快樂無窮。
這便是悟道法。十三年載。要信心超生死。快樂無窮。
我悟道肯信心和我無二。要信心肯承當。彌陀齊肩。
前二句。頌題萬物都有壞。自有一箇不壞。我祖一十
三年苦行。悟明不壞真身。永超生死。頓証菩提。諸人
若肯信心。不勞彈指工夫。永超生死苦海。故曰。和我
無二。近時道者。說時是悟。遇境是迷。不名信心。直須
心口相應。方纔名真信心。信心之人。不惟與現在祖
師無二。就可與過去諸佛齊肩。龐居士云。彌勒是同
學。釋迦是長兄。

是現成肯承當。現成無二。是現成肯承當。現成爲先。
盤走珠。珠走盤。縱橫現成。到臨危。現光明。快樂無邊。

此頌前品未曾初分天地。先是現成學人承當現成之法。此爲第一。故曰無二。諸法之首。故曰爲先。盤喻大用。珠喻大體。大用者。萬境光中。六根門下。見聞覺知。全顯西來大意。卽用顯體。名曰盤走珠。大體者。一毫頭上。自性光中。千變萬化。獨露最上一乘。從體起用。名曰珠走盤。行人體用雙彰。心境無碍。纔得縱橫自在。撒手歸家。這點光明。十方普覆。此顯歸原之樂也。自爲你不承當。重重細說。又重說。又重徵。獨自爲尊。此品因人不肯承當現成的。故此無問自說。勉人同証。無上菩提。無有一物可比。故曰獨自爲尊。上言萬

物有壞。自有一箇不壞。經旨一品已竟。偈曰。

萬般有壞總非真

惟有全身永劫存

亘古亘今光燦燦

卽凡卽聖透玲玲

現成不費纖毫力

頓悟能超八萬城

這箇明珠無價寶

恒沙國土放光明

但有執着牽連不自在。品第十。

此經一品主意。一科破迷顯悟也。前五段破迷人執修諸行牽連不得自在。後一段顯悟者。明白法身。纔得自在縱橫。舉德山示衆云。我這裡無佛無祖。達磨是老狐臊。釋迦是乾屎橛。文殊普賢。是擔屎漢。等覺

妙覺是破執。凡夫菩提涅槃是繫驢橛。十二分教是鬼神簿。拭瘡紙。三賢十聖是守塚鬼。自救不了。正此執着牽連不自在也。品題解竟。偈曰。

森羅萬象盡談玄

執相修行有掛牽

動靜要明西來意

行藏莫負祖師禪

傳茶過飯通消息

運水搬柴達本原

這裡若然親會得

不方圓處也方圓

執修行執禪定執坐靜執修善牽連的不得自在。是箇生死之路。

解曰。自修行以至受戒。共有二十二事。總破迷人執修諸行牽連不自在也。修行四事。爲有智者說。不可抱定竿頭。須要懸崖撒手。承當現成大道。方與生死無干。若是無智愚痴。不能改惡向善。又不可同日而語矣。

執生死執臨危。執着定時刻回。執着來去出入。都牽連的不得自在。是箇生死之路。不得脫苦。

生死四事。爲無智者說。迷人妄修邪術。執着生來死去。有出有入。定時刻回。不知都是牽連之法。如何免得生死之苦。

執成佛。執着我是人。也牽連的不得自在。也是箇生死

之路。

古德云。成佛作祖。嫌帶污名。金剛云。若菩薩有我相人相。卽非菩薩。

執燒香。執禮拜。執念佛。執念經。執出陽。執神通。執出家。執在家。執西方。執歸落。也。牽連的不得自在。也是箇生死之路。不得脫苦。

燒香十事。雖是善念。柰有執心。不達無碍法門。難免輪迴生死。故說不得自在也。若是具眼明人。燒香是誰燒香。念佛是誰念佛。一一追尋見性之法。總是自巳光明。佛事門頭。不捨一法。百千三昧。任我施爲。明得一箇誰字。便是無碍法門。生死永斷。有甚輪迴。宗鏡云。彈指已超生死海。何須更覓渡人舟。

執住所。執受戒。但是執着。都是生死之路。輪迴受苦。無盡。

金剛經云。菩薩應離一切相。發阿耨多羅三藐三菩提心。豈許執修行。執受戒也。後三句。總結執着之病。下一段。正顯不執之妙。

自家現成的。不許執着。但不執着。縱橫自在無碍。

自家現成的。本來無修証。不許執着。指上修行等事。前五段。破迷修之不自在。此四句。顯悟理之得縱橫。

前文已竟。偈曰。

執修行牽連的不得自在。執禪定牽連的不得縱橫。
執坐靜牽連的不得自在。執修善牽連的不得縱橫。
此偈至下。重頌上文。破迷顯悟也。文中二十二事。偈
內次第頌之。若論修行受戒。總是今時佛事。祖言不
得自在而不縱橫者。只爲學人執念不空。得少爲足。
不能發明無上菩提。如蛙居井。不知天界之寬也。天
琪和尚示衆云。既參無上菩提。須求明師印証。若不
印証。執念在心。不知真假。盡是天然外道。竹木狐精。
有等不顧修行的。專參雜法。虛論大乘。或記殘羹剩
飯。滿滿築上一肚皮。猶如臭糟瓶相似。忽遇箇有鼻
孔的。聞着。未免惡心嘔吐。到這裡。知非改過。別作生
涯。直須盡底傾出。三回四轉洗淨。七番八次炮乾。直
教無有半點氣息。方堪趨向菩提。若不如是。縱盛上
品醍醐。未免變作惡水。且道利害在甚麼處。嘔云。毒
氣薰人。若向這裡會得。金剛吃鐵棒。泥牛眼出血。頌
曰。纔得離巢便學飛。直須高躋莫教低。鳳凰不是凡
間鳥。不得梧桐誓莫棲。

執生死牽連的不得自在。執臨危牽連的不得縱橫。
定時刻牽連的不得自在。執出入牽連的不得縱橫。

執成佛牽連的不得自在 執着人牽連的不得縱橫
生死六事俱是學人用功之處用功貴圖自在今言
不自在者病在執之一字三祖云執之失度必入邪
路放之自在體無去住學道要有箇入頭又要有箇
出頭執之是入是病離之是出是藥

執燒香牽連的不得自在 執禮拜牽連的不得縱橫
執念佛牽連的不得自在 執念經牽連的不得縱橫
執出陽牽連的不得自在 執神通牽連的不得縱橫
執出家牽連的不得自在 執在家牽連的不得縱橫
執西方牽連的不得自在 執歸落牽連的不得縱橫

執住所牽連的不得自在 執受戒牽連的不得縱橫
執住所執着所住之法執受戒執不破戒爲功燒香
十二事俱修行之小節學人發明大體一切善法皆
從此出若執小節不明大體棄本逐末故曰不得縱
橫○舉西天二十祖闍夜多尊者北天竺國人也智
慧淵冲化導無量後至羅閱城敷揚頓教彼有學衆
唯尚辨論爲之首者名婆修盤頭此云常一食不臥
六時禮佛清淨無欲爲衆所歸祖將欲度他先問彼
衆曰此徧行頭陀能修梵行可得成佛道乎衆曰我
師精進何故不可祖曰汝師與道遠矣設苦行歷于

塵劫皆虛妄之本。衆曰。尊者蘊何德行。而訊我師。祖曰。我不求道。亦不顛倒。我不禮佛。亦不輕慢。我不長坐。亦不懈怠。我不一食。亦不雜食。我不知足。亦不貪欲。心無所希。各之曰。道時徧行。聞之。發無漏智。歡喜讚嘆。祖又語彼衆曰。會吾語否。吾所以然者。爲其求道心切。夫絃緊卽斷。故吾不讚。令其住安樂地。入諸佛智。復告徧行曰。吾適對衆。抑挫仁者。得無惱於裏乎。徧行曰。我聞惡言。如風如響。况飲無上甘露。而返生熟惱邪。惟願大慈。以妙道垂誨。祖曰。汝久植衆德。當繼吾宗。聽吾偈曰。言下合無生。同於法界性。若能如是解。通達事理竟。上破迷修。下顯悟理。

都不執本來無縱橫自在。又不增又不減本來現成。把這些都無了。縱橫自在。這雜事本來無自在。縱橫此下正頌。但不執着。縱橫自在無碍。三祖云。夢幻空花。何勞把捉。得失是非。一時放却。眼若不睡。諸夢自除。心若不異。萬法一如。故曰。都不執本來無縱橫自在。第二句。正頌自家現成的。昭覺白師云。添一絲毫。如眼中着屑。減一絲毫。似肉上剜瘡。後二句。永嘉云。諸行無常。一切空。卽是如來大圓覺。

無天堂無地獄本無生死。本無善本無惡本無閻君。

有一朝和一日四大散了。又不動又不搖晃耀乾坤。有地水和火風一日散了。遍十方都照徹普現全身。本來面明白了亦無生死。飢吃飯寒向火處處相逢。此八句。覷破假相。發明實相。善惡頓空。生死永斷。到這裡。石虎崖前吼。泥牛雪裡眠。且道是誰看見。祖曰。飢吃飯寒向火處處相逢。且道飽煖之人。又在何處相逢。川老云。請君仰面看虛空。廓落無邊不見踪。若解轉身些子力。頭頭物物總相逢。龍濟禪師又云。翠竹黃花非外境。白雲明月露全身。頭頭盡是吾家物。信手拈來不是塵。故曰處處相逢。

自爲你不明。白重重細說。又重說。又重徵。自在縱橫。末後二句。分明只是婆心切。爲要兒孫早到家。上言。但有執着。牽連不自在。經旨一品已竟。偈曰。

萬法歸一。要提堅。

工夫日久。自方圓。

不沾有處。旋活潑。

不着無時。活潑旋。

不念自提。綿密密。

不提自念。密綿綿。

工夫行到。斯田地。

決悟寰中。大覺仙。

那是大道。那是比法。品第十一。

此經一品。主意一科。法喻雙彰也。品題二句。我祖自審之辭。正是法不孤起。因喻而彰。世尊在法華會上。

開方便門。示真實相。會三皈一。捨權從實。普令會中菩薩。悟入佛之知見。故說三周九喻。我祖說箇比法。以喻顯法。佛祖同心。上言那是大道。那是比法。品題解竟。偈曰。

道本無名強立名

權將喻法見原人

目前有路通京國

心上無塵見妙明

風動水流含妙旨

鳥鳴花綻露天眞

虛空法界難藏跡

刹刹塵塵顯法身

那是大道。那是譬法。

此下法喻雙彰。此二句。勉人諦聽法喻。先審問而後詳說也。譬法者。比喻之說。以淺況深也。

凡間走的路。是箇譬法。說箇大道。說箇譬法。

此正先喻後法。前二句爲總標。卽以目前所走之路。爲做一箇譬喻之法。後二句。若要說箇大道之理。必先說箇譬喻之法。十法九喻。無喻不顯法也。

家家門口。這箇道路。往西天都通了去。無有遮擋。往南往東往北。這條道路。都通了去。無有遮擋。說箇大道。一發無遮擋。爲做小小譬法。

此別釋上譬法也。家家門口。這箇小小道路。一直往西天。通達無有碍。一方旣通。三方亦然。此正家家有

路透長安也。若說一箇大道，就是要路通衢，不惟四正無遮，四維通達無碍。故曰：一發無遮擋。雖然八方無擋，上下色空有碍。故曰：爲做小小譬法，不能全也。喻本來面目，是箇無極大道。十方世界，都無遮擋。纔是箇大道。

此別釋上大道也。本來面目者，未曾初分天地，先有本來面目，就是無上菩提，無有一物可極。故曰：無極大道。此道囊括十虛，包含萬有。故曰：十方世界，都無遮擋。非是四方八面無遮。故曰：纔是箇大道。上言法喻已竟，下顯行人臨危妙用。

到臨危，放光動地，山河大地，大千世界，地獄天堂，透玲玲，無有遮擋。縱橫自在，便是自家真人。纔是大道。大道不離方寸地，自家就是。

此言悟明大道之人，若到臨危之時，一點靈光，輝天鑑地，天堂地獄，任意遊行。且道是箇甚麼，便是自家真人，就是無極大道。隱顯莫測，變化多方。雖然如是，不離一心。故曰：大道不離方寸地。方寸地者，人之心也，不屬他人。故曰：自家就是。前文已竟，又引

無垢註解心經偈曰：

究竟自身原不有。

更須放下莫愚痴。

涅槃路上無朋伴

大道無人我是誰

此偈至下。重頌上文。法喻雙彰也。此四句。先頌臨危放光動地。便是自家真人。前二句。觀身無常。更不貪戀。涅槃者。此云不生滅。清淨法身。不生不滅。獨自爲尊。故曰無朋伴。四句正頌大道不離方寸地。自家就是。到此一真獨露。四相全無。大道是我。我是大道。

本來道往上去無有遮擋

往上去無邊際無有遮攔

本來道往下去無有遮擋

往下去無邊際無有遮攔

本來道往東去無有遮擋

往東去無邊際無有遮攔

本來道往西去無有遮擋

往西去無邊際無有遮攔

本來道往南去無有遮擋

往南去無邊際無有遮攔

本來道往北去無有遮擋

往北去無邊際無有遮攔

本來道四維空無有遮擋

四維去無邊際無有遮攔

此十四句。正頌無極大道十方世界。都無遮擋。十方者。上下四正四維也。古德云。大道無邊際。虛空難度量。且如日出扶桑。舉眼便見。日落西牛賀洲。亦復如是。東西二方如此。上下八方亦然。故曰。四維去無邊際。無有遮攔。金剛經。佛問須菩提。東方虛空。可思量不。不也。世尊。南西北方。四維上下虛空。可思量不。不也。世尊。我祖來到這裡。一十三年苦行。親見三界唯

心十方一體無有纖毫隔碍。纔是無有遮擋也。

本來道閻王見不敢睜眼。把地獄和天堂化的無踪。有一朝和一日離了四相。把乾坤和世界自當微塵。前二句。正頌地獄天堂。透玲玲無有遮擋。學人明此。本來大道。善惡兩空。閻王拱服。不敢睜眼者。正是能了虛空。閻王皆懼。三官經云。閻王一見。不敢高聲。是也。後二句。復頌臨危放光動地。大千世界。無有遮欄。楞嚴云。汝等一人發真歸元。此十方空。皆悉銷殞。云何空中。所有國土。而不振裂。故曰。自當微塵。

大道本來無遮擋

大道原是主人公

十方無邊無遮擋

大道原是主人公

無邊世界無遮擋

一體同觀無二門

此六句。復頌無極大道。十方都無遮擋。主人公者。自家真人。恐人向外馳求。故曰。大道原是主人公。無邊世界。非一世界。無遮擋者。大道無邊也。卽境卽心。色空無異。故曰。一體同觀無二門。

未曾初分先有道

大道原是主人公

未有諸佛先有道

大道原是主人公

未有僧俗先有道

大道原是主人公

未有三教先有道

大道原是主人公

未有經書先有道

大道原是主人公

此十句獨言道居天地之先。不立萬物之後。善慧大士云。有物先天地。無形本寂寥。能為萬象主。不逐四時凋。大道原是主人公。先天大道。本性就是。

有朝一日離四相

十方無遮現全身

上頌道居天地之先。原本不生。此頌道居色身之後。終久不滅。不生不滅之道。十方無有遮擋。現全身者。盡十方世界。總是一箇清淨法身。長沙云。百尺竿頭。進一步。十方世界現全身。

未有文字先有道

文字原是本來名

一切文字心變化

本性變化文字名

三教經書一字出

一字流出諸佛名

本性就是諸佛祖

永無生死涅槃門

前六句。先頌心能變化一切文字也。一字。卽心之異名。心乃先天之大道。無物不稟道生。無物不稟道化。後二句。洞明本性菩提。卽是諸佛境界。不見有生死。可出涅槃。可入。故曰。永無生死涅槃門。

彈指已超生死海

永無生死得縱橫

有朝脫下胎州襖

無邊虛空現全身

彈指明白。永無生死苦海。胎州襖者。此身就是究竟。

不有。是名脫下。前言十方無遮現全身。此言無邊虛空者。前畧後廣也。正是有身非覺體。無相乃真形。

將今比古原是我

永無欠少譬喻今

將今比古是譬喻

譬喻單譬本來人

此品經旨。將比法而喻大道。以劫外而合今時。今時不少。在古無多。無欠無餘。正是本來面目。故曰。譬喻單譬本來人。

萬般有壞是虛花

本來真實永常存

以此名曰。萬物都有壞。自有一箇不壞也。

重辨重微細細說

重辨重微得縱橫

重重舉喻顯法。引教合宗。勉人深生信心。親到巍巍不動。纔得自在縱橫。上言那是大道。那是比法。經旨一品已竟。偈曰。

法喻雙彰理事明

目前有路透京城

四維上下無遮擋

南北東西任意行

三世同觀無欠少

一心普化獨為尊

諸人會得如斯旨

十方世界現全身

音釋

駢并紊問鬻欲哺哺頤送餒食棚朋縈容掘局摧崔
蝸蛙踞句僻撇擲鄣聒各概決躋祭躋存釀釀醞農

南京應天府句容縣奉

佛弟子強守禮等捐資助刻巍巍會解一卷上祝

皇圖鞏固帝道遐昌佛日增輝法輪常轉普願一切

眾生共入毘盧性海

助刻姓氏

強守禮

陳氏

唐永正

周仲賢

王尚儉

王之俊

王之傑

趙氏

叢性誠

泰州

葉性德

江西

崇禎二年孟冬四日助刻

巍巍不動六出深根結果經會解上終

